



C40
4514

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

C 40-4514

丁翁上座請大藏及有
家書置之武州紫雲山
戒微笑塔院直府中永
為學者不敢詩出院內
當山二世金牛機謹認



B 64853

淨信堂初集卷三

古吳沙門智旭著

門人果海錄

法語

兩窓同印海方丈談

出生死事大不容易須要先開見地然後可言修證
欲開見地尤須念念注在佛法不得姑待異日夫在
家人具諸塵勞尚不礙學佛法尚許證無上道况已
出家受戒住持梵刹表率衆僧豈反有礙而乃俟謝
事之後方議叅求哉且叅求之要祇是決擇身心決

1901234567892012345678930123456789

擇之方無過師友商確及向經論尋討今師友商確時僅作言談會經論尋討時僅作文字會必欲冷坐蒲團方名成片工夫縱使果能坐得成片及至動境依然兩橛况動時既不能隨處體會則靜處又安保其成片哉吾所謂工夫者不然無論世法佛法靜時動時順境逆境若語若默但是開發我慧眼消鎔我習氣磨勵我身心增益我所不到者卽名真實工夫莫謂此等工夫零零碎碎其實竟竟鎔作一片如萬派千流同歸大海一入海性便失本名學道工夫亦

復如是但期與本分相應更無動靜順逆之別倘不向本分會取饒你謝絕人事枯守蒲團敢保驢年無相應分况塵緣無盡日復一日何時得謝絕耶吾兄英才敏質涉世已久畏惡欣善脚跟亦穩倘現世之行履可保則來世之人天可期獨于出世一事恐未可視作尋常果欲自度度人須痛絕三種心發起三種心庶蓮花社裏可永矢弗諉耳所言應痛絕者一是姑待心二是輕忽心三是將就心有一于此與道永隔所言應發起者一是猛切心常念時不待人一

101 2 3 4 5 6 7 8 9 20

30

1

蹉便成百蹉。二是殷重心。一言有益于已便應著眼
銘心。三是深廣心。期待誓同先哲。舉措莫類時流。三
若缺一。學道實難。托在雅愛。獻此菲葑。諒不以人而
廢言也。

示汪居士

生死事太真實可懼。要了生死。先須歸信三寶。求開
慧眼。夫開慧眼。不在剃髮逃世。及盲做工夫也。貴向
舉業中薦取慧業。第一在立志作真實聖賢。不可作
流俗儒者。古人云。惟吾學佛然後知儒。願居士將一

部楞嚴苦心熟讀千遍萬遍。使其滌肌浹髓。則世出
世事業。一以貫之。更當以戒殺放生。積長壽因。節食
寡欲。爲養身道。將來善根成熟。不患無出生死分也。

示成遠號邃微

夫晚成者器乃太源深者流始長。故曰。欲速則不達。
見小利則大事不成。世法尚爾。况學出世大道。存肩
如來正教者乎。易曰。天行健君子以自強不息。地勢
坤。君子以厚德載物。子謂能崇效卑法者。乃能涵蓋
乾坤。否則如芳草茂于春時。溝澗盈于秋雨。卒歲未

9 10 1 2 3 4 5 6 7 8 9 20

30

澤僧堂秘集

卷三

能奚望貽芳于奕世也。故丈夫事業設欲炤古炤今。
不患徵之不遠第患存之不遠。但令挺骨格于須彌。
溶識量於大海。皎戒體于滿月。湛定水于深淵。蘊問
學於寶山。昭慧光于杲日。則上弘下化。不異順水行
舟。名稱普聞。豈殊空谷答響。此吾以遂徵字成遠法
弟。非無意也。弟其顧名思義。養重固學。續佛祖命。作
人天眼。庶幾不負已靈。亦不失善友相期之深意耳。
偈曰。水負舟兮風負翼。積厚方能有大力。虛空不用
自分疆。男兒度量須莫測。須莫測。鐘鳴遂谷聲奚極。

扣擊無虧未足奇。從來聲性何曾息。不向庸流覓賞
音。知音徧在微塵國。

示法源

夫念佛工夫。不論定散。祇貴真實信心。所謂真實信
心者。第一要信得我是未成之佛彌陀。是已成之佛。
其體無二。次要信得娑婆的確是苦。安養的確可歸。
熾然欣厭。次要信得現前一舉一動。一行一善。皆可
廻向西方。若不回向。雖上品善。亦不往生。若知廻向
法門。雖作惡行之後。起殷重懺悔。懺悔之力。亦能往

10 1 2 3 4 5 6 7 8 9 20

30

生。如觀經所明是也。何況持戒修福料理僧事。讀誦大乘。給施茶湯。種種勝業。豈不足以莊嚴淨土。只爲信力不深。遂乃淪于有漏。而又欲捨此度門。別商工夫。可謂舍元殿裏更覓長安者矣。故今修心淨土之要。別無他術。但于二六時中。加此一種真信。則一切行履。更不須改矣。

示初平三學

人知宗者佛心。教者佛語。而不知戒者佛身也。虛舍那佛。以戒爲體。惡無不止。故淨善無不行。故滿倘身

既不存心。將安寄語。將安宣。末世行人。不持戒品。縱能透過千七百公案。通盡十二部。了義大乘。止成依草附木。無主孤魂。不堪作人天導師。豈不見楞嚴說因戒生定。發慧斯名。三無漏學。若不斷心。淫心殺等。縱有禪定。多智現前。必落魔界。金口誠言。誰敢不信。

示陳受之

世出世聖賢。皆以同體大悲爲學問綱宗。儒者謂之萬物。皆備于我。釋氏謂之心。佛衆生。三無差別。推惻隱之心。可保四海。極大悲之量。徧周法界。故云。天地

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之大德曰生。既以生爲大德必以殺爲大惡矣。此戒不持。豈名一日克已。復禮天下。歸仁願居士。卽向儒門檢點。必能奮然頓決于一日。倘因循延緩。卽是情勝于理。恐非自強法門也。夫理之所有者。情必無情。之所有者。理必無千古。確論真不我欺。若欲惜體面。顧是非便墮流俗。知見假饒舉世悅之。僅名鄉愿。豈有聖賢品格。是須具超方見作特達人。難行能行。難忍能忍。以一人作中流砥柱。開羣靈昏曠。斯則以真釋心行。作真儒事業。位天地。育萬物。取諸片念而有

餘回視。咿唔咷嘑之學。富貴功名之術。奚啻霄壤哉。示萬無懷。

從來聖賢豪傑骨幹。雖云天賦。要須境上鍊過。譬如松柏。非霜雪。則不能增勁。黃金非爐鞴。則不能增色。今欲作奇特男子。必迥然有以自異。與世相違。舉世非之而不顧。是名霜雪。又必毅然諦信三寶。奉持飯戒。檢身執心。破壞煩惱。是名爐鞴。切勿將就荏光陰。夫因循苟且。尚不可作世間事業。况可學出世大人法耶。然勇猛在世法者。功止成于目前。究竟還歸

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

敗壞。惟勇猛在出世法則。蓋天蓋地輝古耀今。始不孤負已靈。不枉作堂堂男子耳。重輕得失。豈俟再決耶。

示郎上應

學道之法第一要見地精確。不可乘言滯句。向古人一期方便中埋却。且如湛無纖塵等語。原謂悟明之士。居塵不染。猶孔子所云寂然不動。感而遂通。雖萬感當前。寂然之體亦不會動。若以閉門枯坐爲功行者。開得門來。早已打失。尚非真儒學問。豈是佛子家風。

夫儒之與佛究竟雖別。爲門略同。未有在世不爲真儒。出世堪爲真佛者。今居士既未能頓捨世榮。且就儒門努力。應體會富貴浮雲。不加不損等語。置身千古聖賢之例。不作悠悠習俗之儒。若開此特達胸懷。自然舉止與世有異。便可向視聽言動之中。作主。不復以沉空滯寂爲功行矣。至若準提神呪。本諸佛菩薩勝異方便。專心受持。必獲冥感。楞嚴妙典。乃性相宗教總提綱要。篤志玩味。必有悟門。但得功深力到。正見昭明。則修證功夫。無勞別覓矣。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

示羅性嚴

聖賢品格。皆從朝乾夕惕中來。豪傑事功。皆向倉卒變難中立。况出世事太豈容乘以延緩姑待之心哉。所貴覲破幻緣。直下薦取。雖剃髮染衣。會有時節因緣。而皈戒聞修。不勞揀時擇日。須信非皈戒。無以爲出要之本。非聞修。無以開出要之門。念念熏習。如救頭然。倘佛法之染神既深。則解脱之機緣自奏。否則前引後牽。歲復一歲。淨信初心。漸至牿亡。非丈夫所以自奮也。

示沈驚百

世出世學問。固不可判作兩橛。亦不可混作一事。蓋真儒與真佛。其下手同。其要歸異。若不從真儒下手處下手。則學道無基。若不向真佛要歸處。要歸前真性。不顯。所以東坡居士云。惟吾學佛。然後知儒以宣聖。出於春秋之世。衆生根性。機緣未熟。故所說教門。一往且就綱常倫理處。指點。若以五乘法門格之。僅屬人乘。間露一二性理。極談終不如內典之彰明較著。復被宋儒迂腐。知見之所覆蔽。遂使道脉湮埋。倘

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不向三藏十二部教求開眼目。不惟孤負已靈。卽宣尼亦受屈多矣。請居士以大心深智。開古千曇曠奚。止震驚百里而已哉。

示沈清彥

欲作奇男子。須以諦信三寶爲第一義。以三寶體性真常圓徧。遠離一切戲論分別。若不向此中著眼。決不能知本地風光。若不知本地風光。則天地萬物俱成芻狗。位育事業徒有虛名。應知凡夫未達法界。如井蛙夏蟲。豈知大海之非誼。而永別之不誣哉。今欲

入此信門。應觀現前一念。前之不得其所始。後之不得其所終。現在莫窮其涯際。設欲追尋。則絕無踪跡。謂其無體。則不可斷滅。彼坐禪家謂之淨裸裸。亦灑灑。尚自冤屈不少。况紫陽謂之虛靈不昧。稟得于天。寧非戲論妄想耶。是須急從良師善友。快讀了義。深經薦取。本來面目。掀翻流俗。知見庶蓋天蓋地。有分不止爲世間奇男子而已。清彥勉之。

文選書范明啓扇頭

寶鑑內典皆重出。和其碑頌。則知

三寶深理。非庸腐儒生所知。惟有具大智慧奇特丈

夫乃能諦信此事。予少時拘墟于程朱之學。亦嘗以攻異端爲已任。後因廣讀內典。稍窺涯畔。莫窮源底。方知有真實心性之學。回視初年抱負。所謂以天下爲已任。以位育爲極致者。由今例之。不啻牛跡比于滄溟。故知從上古人以釋爲果。日儒比五星者。良不我欺。是須以超方眼觀究竟理。庶不墮井蛙夏蟲之譖也。

書沈清彥扇頭

迥出塵勞之謂清。超羣拔萃之謂彥。塵勞本幻妄認

爲真。智眼諦觀原無羈絆。居塵不染會悟真宗。旣非凡夫之著有。亦非權小之耽空。卽此名義可解佛乘。

示德輶

智人求實不求名。愚人求名不求實。求寂則始本合之極果。息慈卽淨滿覺之真因。與其他護而自行尚虧。何似護他而彼已兩利耶。商之商之。

示無雲

無雲禪友爲竺潘淨公高足旣竭力同興七佛閣復

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

修輯四瑞志以貽將來。且徧按古尊宿語錄擬成集流通。上續祖燈下燭昏憤。如此用心。真不枉披法服。予方欲倚之共滿刻藏之願。而禪友乃自視駭然。更索一言爲贈。予嘗讀妙法華經舉手低頭皆成佛道。况助修塔廟弘通經典。種種功德孰非緣了因耶。但開示悟入之功。妙在諦信不疑。更勿別覓玄奧。應知無相不離有相。解脫不離文字。而以實相慧照觸融攝。則不勞動步。身在長安。豈可以色香中道高推聖境。而不從初心薦取哉。究竟不異于初心。以不生不

滅爲本修因。然後圓成果地修證。若以生滅心觀一切法設有一法過涅槃者。我亦說爲是生滅數。若以不生滅心會一切法。是法住法位。世間相當住。豈得謾云塔是土木。經是紙墨耶。此子所以進禪友者。必已默而識之。當知此言亦贅疣也。

示王穉炎

夫儒之與佛。雖分世出世局。其于身心性命之學。大約相同。故在世能爲真儒。則出世方爲真釋。窮通得喪。身外浮雲。獨善兼善。士人實際。然喻義喻利。辨在

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

心術而不在形骸。若果以千古聖賢自期。卽功名亦道德之用。倘志在目前。不求上達。卽駕言理學。亦止富貴之媒而已。今智章居士。以三種心持準提神咒。一者孝父母心。二者和兄弟心。三者得時行道致君澤民心。此豈非大乘願力。但須精勤勇猛。始終不渝。如范希文做秀才時。便以天下爲已任。又如陸家宰忘身護法。每祝天曰。毋令不信心兒孫生我家中。則世出世法。一以貫之。昭合空王之印。深符宣聖之傳。所謂君子喻于義。利亦化爲義矣。

示夢西

夫參禪之法。是坐斷凡聖情解。頓明佛祖心源。方便不可有絲毫夾雜。以他種法門。每用對治方法。今則直截根源。所以必要單刀直入。然所謂夾雜者。正不在看經尋論。乃在世間利名煩惱。我慢慳嫉。放不下。嘗見世之主張宗乘者。動以經論爲雜毒。而反置習氣于不訶。豈知古之英傑。凡情先盡。故但掃其聖解。今時學人。濁智流轉。若不向痛處加錐。云何得出生死。且如婆子燒庵公案。須向自己脚根下理會。可笑。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

世間人看見婆子燒庵，便欲代轉一語，希望婆子供養。殊不思自己地位較那僧高下何似，而欲以口頭禪陵駕古人，面皮厚多少哉。今須以真誠不欺罔心的的覲破那僧及婆子落處，即是自己落處。便是出生死真實路頭，切不可向解路卜度。失却自己鼻孔，其二六時中用心方便妙在從緣薦得不宜固守枯寂塞妙悟門，直須拶碎虛空再來理會。

書方暉元扇頭

浩然之氣人皆性具，雖云集義所生，實非有生。但須

念念以聖賢自期待，則本性日顯，氣自充矣。若一念自緩，便名自棄，所貴具決斷志，直下承當。是謂豪傑之上，無待而興也。

書窮玄扇頭

聖賢學問全在反躬責已。菩薩心腸妙在視人猶己，若不自求，無以立千古品格。若不愍物，無以作斯世津梁。但二六時中常以此二語銘心，即是出生死之正路，學佛法之要務也。何必別求玄妙，外尋知解哉？

示攝三聽講

夫聽講之法。不得徒事口耳。先應諦思佛爲何事說經。我爲何事看經。若知佛說經所爲何事。則不貪逐名利。不貪逐文言。若知我看經當爲何事。則不貪逐名利。不貪逐名利。則杜外諉。不耽著文言。則善悟理。悟理則本立而道生。杜謗則德孚。而物化可以自利。可以利他。不然學問愈多。去道愈遠。學人愈盛。法門愈衰。師蟲之喻。良足畏也。高明者。勗之。

示律堂大衆

流俗知見不可以入道。我慢習氣不可以求道。未會

先會不可以語道。宴安怠惰不可以學道。顧是情非。
不可以謀道。自信已意不可以問道。捨動求靜不可以會
以養道。棄教參禪不可以得道。依文解義不可以會
道。欲速喜近不可以悟道。隔小於大不可以見道。執
穢爲淨不可以知道厭常喜新不可以趨道。樂簡畏
繁不可以明道。將就苟且不可以修道。得少爲足不
可以證道。真有志於道者須是超羣拔俗。謙已虛心。
忍苦捍勞。親近知識觸處體會。以教印心。廣大悠久。
事理雙備。棲神淨域。履蹈典型。博通古今。特達勇銳。

101234567892012345678930123456789

深心無極誓窮法海源底。乃爲奇特男子。出世丈夫。
心者示存朴。

夫比丘者體預僧寶之尊職紹佛法之種。是須超羣
拔俗迴脫流俗知見。方無愧於厥名。倘故轍不改。則
如法稟受僅植遠因。身心無益。一旦被業風吹去。所
謂袈裟下失却人身。豈非苦中之苦。汝試思人間五
十年不過四王天一晝夜有何實法可戀。若不向此
際急尋出要寧。惟一錯百錯。方將塵沙刮數未有了
期。血性漢子能勿悚然在念乎。果能悚然在念。不患

佛法無入頭處。痛勉痛勉。

示圓珠鉢沙彌

沙彌名爲息慈亦名求寂。蓋不惟大戒之初步。即是
佛果之真因。汝名成鉢法號圓珠。應知金玉非寶。惟
戒爲真。戒體堅利。是名真金。戒體瑩淨。是名真玉。戒
體朗徹。是名真珠。三種妙寶不離一戒。護之則富。有
萬德貴爲法王。失之則貧。無所歸賤爲蔑戾。汝應念
念精專勤防六賊。稱性之修既成。起修之性斯顯。體
無不證。而用無不圓。庶不辜負此名此義耳。勗之。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

示萬韞玉

學佛之道與儒門相似。孔子以博文約禮爲善誘。中庸貴致廣大而盡精微。易以學聚問辨寬居仁行爲君子。總以解行雙到爲宗趣也。求出世者亦然。非開解。則無以趨道。非力行。則無以證道。而開解與力行。又自有小大漸頓之不同。若但求一出生死法門。而自度自脫者。小解小行也。若偏通一切法門。而自利他者。大解大行也。若先解後行者。漸也。若了知解行同時。隨文入觀。不離語言。而得解脫者。頓也。譬如

兵卒之流僅習一伎。可以殺一人。取一賞。僅足糊口。又如醫術之士。僅知一方。可以療一病。取一直。僅足資身。則聲聞緣覺是也。若夫任大將作大醫者。必善知一切韜略。偏達一切方味。然後所向無不克。所治無不差。圓頓行人亦復如是。通達萬法。圓悟一心。自行則無惑。不破化他。則無機不接。是之謂奇特男子。出世丈夫。今欲偏通一切法門。雖三藏十二部。言言可以互攝互融。然必得其要緒。方能勢如破竹。譬如爲聖賢者。必以六經爲楷模。而欲通六經。必藉註疏。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

開關闡當知爲佛祖者必以華嚴法華楞嚴唯識爲司南而欲通此諸典又藉天台賢首慈恩爲準繩蓋備悉教綱之幽致莫善于玄義而釋籤輔之闡明圓觀之真修莫善于止觀而輔行成之極性體之雄詮莫善于雜華而疏鈔懸談悉之辨法相之差別莫善于唯識而相宗八要佐之然後融入宗鏡變極諸宗並會歸于淨土以此開解卽以此成行教觀齊彰禪淨一致遠離擔板之病不墮數寶之譏可謂慶快生平卓絕千古者矣又復應知受一非餘固爲魔攝無

端泛涉不入間持今旣知心學淵源工夫次第則隨閱一書必徹頭徹尾巨細畢明然後更閱餘書庶無擇而不精語而不詳之患而凡閱所未閱仍須捨盡舊時知見方有格外新得故莊子云惟道集虛虛乃心齋倘陳見橫于胸中則一芥翳天一座覆地失如來妙旨多矣知居士勇猛沈毅定作法海神龍聊獻蕚堯得月忘指一笑棄之可也

示王簡在

有出格之見地方有千古之品格有千古之品格方

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

有超方之學問。有超方之學問。方有蓋世之文章。今欲文章蓋世。學問超方而不從立品格始。欲立品格而不從開見地始。是猶之楚而北其轍也。何謂出格見地。夫富貴之士不可以語功名。功名之士不可以見地。夫富貴之士不可以語道德。孔孟老莊世間之道德也。則大行不加窮居不損無名而已。而逍遙於廣莫之鄉。禪淨諸祖出世之道德也。則觀金與土等無有異。刀割香塗愛憎不起。物我同懷而自他一體。今孝豐一邑慕善者亦多。乃商及于躬行實踐之學。則殺戒尚未能持。是猶未

合天地大生之德。況可問如來大悲之道乎。良由習俗移人。賢智不免狃於一時之耳目。而不思曠劫之因緣也。吾欲簡在居士以理奪情以性違習。俾一邑陋風自吾一人而轉。卽此是出格見地。而文章事業更不待他求矣。

示大圓庵緇素

夫最難發者出世之心。最難遇者出世之緣。發心而不遇緣。則生津恒溺。遇緣而不發心。則寶山空回。然緣雖無量。善友明師最爲第一。因雖深廣。持戒清淨。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

最爲初門。慨自正法日衰。師資道喪。犯如來之記。作魔侶以相傳。荆染者既習以成風。居家者亦恬不知怪。薦拔之功。僅圖世間耳目。杯觴之設。宛同俗態。交遊乃有大圓庵禪德玄真。寓跡馬鞍蘭若。力扶靈鷲家風。旣克身嚴律檢。復思弘範後昆。而厥子若孫皆能奉教惟謹。此真世間豪賢未運優鉢也。竊思此一方善信。何幸而得遘淨侶。從此追拔祖親。何幽不燭。邀求現願。何事不成。是應各秉虔誠。咸生喜敬。頓革叨食之陋習。同修齋戒之良因。豈可貪麯蘖于片時。失勝功于累劫耶。又聞欲迎汴中法主。共秉皈戒。斯真出世。莫大因緣。予稔知汴師解行。兼修教律。雙美真堪福利。斯山表率緇素。凡我全仁。其尚淡念師友。難逢殷勤渴仰。心行一如始終不替。振釋迦將墜之脉。歸彌陀大願之海。我輩仰學菩提。不拘世相。因淨空上座述此勝事。索我片言以作贊助。遂不揣庸陋。走筆書此。倘得汴法主微笑印之。不異遮那初坐道場。文殊代說十信法門也。

示方冰壺

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

學道之門。別無奇特。只要識得現前三障。全是性具三德。亦名一體三寶。但由無始以來。背覺合塵。起惑造業。致感酬引酬滿二種異熟。所以貧富貴賤壽夭。榮辱種種差別。不知此等境界。皆卽自心現量清淨法身。若能直下覲破。不被幻緣所牽。便名觀照般若。倘認作實法。復起貪嗔煩惱。則前因所感之果。又爲後果之因。所以謂之惑業苦。三如惡又聚。今欲頓除三障圓悟三德。先須皈依住持三寶。然後一體三寶自當顯現。應知世間尊像貞葉剃染縉流。原非心外。

之法。切不可自恃已靈。不求他力。又應知自性三尊全從事相中表彰躍露。亦不可一往作他求見解。而迷却已靈。如此自他不二。生佛同源。念念真明。發露則時時夙障自消。然欲向無巴鼻中討個巴鼻。則大悲心呢。一章當知。卽是三德秘藏三寶正印也。專心誦持。名爲顯密圓通。諦信不疑。名爲最初方便。

示王心葵

法華一經殷勤稱歎方便。解之者曰。方者方法。便者巧用也。須知有世間方便。有出世間方便。有出世間上

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

上方便有不思議勝妙方便。何謂世間方便。布施愛語濟難扶傾孝悌慈仁禮義忠信是也。何謂出世方便。苦空無常無我不淨數息因緣遠離知足等法門是也。何謂出世上方便。十波羅蜜四攝四辯八萬四千三昧總持等是也。何謂不思議勝異方便。諦信自性之中實有西方現成佛道之彌陀如來。惟心之中實有西方莊嚴之極樂世界。而以深心弘願決志求生。不惟上方便是其資糧。將出世及世間一切方便。無非往生左券。此是法門中點鐵成金手段。不

歷僧祇頓階不退。故名不思議勝異方便。亦名絕待妙法也。心萎居士急須著眼。慎勿離下學而言上達。則佛道可指掌而談矣。

示張司杓
其文
張司杓量同塵土。微躬中開智慧。大眼目照
學道之人。旣貴有真實信心。尤貴有丈夫作略。蓋信心不具。則趨向無方。作略不雄。則超拔力怯。今觀司杓居士秉性淳善。慕道殷勤。誠末世優曇也。但出生死事良非偶然。論修行之要。則戒定慧三缺一不可。論生西之津。則信願行三亦缺一不可。應知如來於

101 2 3 4 5 6 7 8 9 201 2 3 4 5 6 7 8 9 301 2 3 4 5 6 7 8

無量法門拈出勝異方便一念橫超不歷次第本是
希有難解之法若於事理自他因果之致不徹根源
雖云信心不惑萬一遇著大帽禪和口頭三昧將自
性惟心等相似玄妙語一番惑亂脚跟便不穩當信
既可使復疑願行亦可使退失矣今欲直階不退須
具丈夫出格志量向淨土經論中開豁超方眼目以
戒定慧三穿作一串一念全該知因中三學與果上
三德交融互徹是名真信以稱性三修嚴法爾四土
是名真行以隨緣淨業作西逝資糧是名真願蓋不

但一心一行方爲淨土功成卽舉足下足無不全具
三無漏學三種資糧也如此甚深奇特直捷痛快法
門豈悠悠之見所能薦取哉司杓勉之

示廣戒侍者法號佛因

一切衆生皆有佛性是名正因若非緣了莊嚴則雖
其足如來智慧德相不覺枉受輪迴所以世尊垂慈
說教開無量法門而要其指歸總不出戒定慧三學
一往爲言則戒定屬緣慧學爲了。尅實而論則三學
之中三因圓具又次第爲言則因戒生定因定發慧

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

後後勝前。若推本而論。則戒無定慧。猶尅善果。定慧無戒。必落魔邪。况圓頓法門。一攝一切。定共道共。總名爲戒。豎窮橫徧。海墨難書。修中所具三因。即是性具性修不二。故曰全性起修。全修在性。汝名廣戒。法號佛因。惟佛一人持淨戒。以爲標心。受佛戒卽入佛位。以爲發軔。因該果徹。故稱廣戒。三無差別。故稱佛因也。顧名思義。不負我命名之心。斯不昧汝本有之性矣。

示慧舍沙彌

學道之人。第一要克除習氣。習氣不除。終無出生死分。然習氣熏染。本非一朝一夕之故。若不痛加錐拶。何由頓革。是須猛念身世無常。幻緣虛假。人道難生。佛乘難遇。倘失此一會。不求度脫。千生萬劫。知更何期。便可將是非人我體面界牆。身見慢幢。愛染情性。全體放下。不復躊躇。然後將如來出世要法。徹底承當。愛樂受持。精勤趨向。自然福慧俱得增長。見識日造深微。而所謂出世要法。實無奇特。正在平常日用之間。切不可離事覓理。捨麤求精。厭動取靜。喜順惡

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

逆。或鑽他故紙認指爲月。或枯守蒲團。釘椿搖櫓。此正是近世禪講學人膏肓之疾。乃習氣之最惡毒者。設不淡自省察。力加克除。愈趨愈下。無救無歸。設分有微福。必作魔家眷屬。若萬行復荒直感。三塗劇苦。吾輩無始以來。暗識相傳。長夜不曉。至于今日。偶得人身。不值正法。魔外充斥。無從問津。尚幸善根未絕。獲聞遺教。何容更悠悠視作等閒。致令袈裟下失却人身。是須大慚大愧。嘗瞻卧薪。一念便應決斷想道。不由别人。人間五十年。四天王一晝夜。眨眼便過。豈

不寒心者哉。慧含機沙彌出紙索字。子方自悲兼悲一切。胡能作無義味語。只恐愁人莫向無愁說。說向無愁總不知耳。

示定西

曾子曰。士不可以不弘毅。任重而道遠。夫儒之所謂仁。僅民胞物與而已。儒之所謂遠。僅盡此身命而已。尚非弘毅不可。况學佛人。觀心佛衆。生三無差別。微塵刹土。不隔毫端。十世古今。不離當念。若非有出格弘毅。豈克承當此事。何謂出格弘毅。求無上道者聲

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

聞緣覺及權乘果位。猶不足以掛懷。何況世間虛名浮利。是謂真弘。百劫千生不生一念退失之心。何况現生而被順逆二境移奪。是謂真毅。每見今時釋子。未曾參禪。先圖作宗師。未曾聽講。先圖作法師。未曾受戒。先圖作律師。設法門中無有出頭一著。雖可頓超佛地者。亦且掉頭不顧矣。嗚呼。因地不真。果招糺曲。本發心時原非爲菩提大道。曠劫遠猷。故一受戒。則兢兢但以衣鉢表相。一聽講。則孜孜但以消文爲事。一參禪。則念念但以機鋒爲務。乃至或應期。或禁

足閉關等種種法門。皆是百年中活計。人世間公案。於本分中事。不啻千重萬重矣。然斷其過失。只是不弘不毅。推其病根。只是偷心未除。狃於微妙佛道。僅從經本上依稀聞解。未嘗親知灼見。終屬半信半疑。於眼前活計。未嘗諦觀。三界空苦。無常終覺放他不下。雖或學他古人現成語句。亦要陵駕佛祖。實皆一時高興。或是初生牛犢。不畏虎。或是童豎戲劇。自稱爲王。爲天等。尅實論之。總未嘗真正以佛祖自期待也。今定西地比丘。自出家已後。徧遊浙右禪林講席。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

而能不被習俗所固。復從天台飯大和尚如法受具。矢志行之。因故鄉親友懇畱。住靜掩關。復立願專修大悲三昧。日然香炷精求感通。匪肯以佛祖自期者。不能發此勝志。然語云。靡不有初。鮮克有終。是須到底。惟爲菩提一事。決不被名利改節。有此真毅。乃見真弘。倘得少爲足。或遇緣漸變初心。仍是因中夾帶。不可不慎思而痛勵也。能依此語。雖千里之外。謂未曾離依止可矣。

示恒心

人我是非。本是衆生無始習氣輪廻根本。而惟有些少伶俐之人。則習氣尤易熾盛。彼不能淡自思。惟出生死事。將眼前一點小聰小明。認作美物。不能放下。故二六時中。念念只要用他。殊不思生死事太無常。迅速。一口氣不來時。這點聰明伶俐。分毫俱用不着。而平日結下人我是非。種種身口惡業。緊緊隨識受報。果能檢點到此。必須痛哭流涕。自救不暇。又安容視作等閒耶。今常樂沙彌。亦知習氣濃厚。求良藥于坂大和尚。和尚善能知病識藥。應病與藥。但肯服之。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂卷之二
病無不愈若仍置不服非醫咎矣吾更爲汝下一藥
引所謂以責人之心責已則盡道以恕己之心恕人
則盡仁將此二語鏤骨銘心便可撥轉伶俐機關正
可作本分中用雖不墮聰黠明而人我是非不覺應
念銷鎔矣偈曰人我是非生死根株舍之則智逐
之則愚聰明伶俐如世間器善用乃佳不善斯墜念
念自省如履如臨已實未淨何故他侵眼前活計百
年剝那早圖出要莫更蹉跎一念因循千生萬劫嚼
鐵咬釘始稱豪杰勉旃勉旃頓革前愆良藥不服畢

竟可憐
示一念

不可不趨向者中行之道不可稍夾帶者鄉愿之心
然狂狷一途雖似與中行相遠而實不遠鄉愿一法
雖似與中行相近而實天懸良以學道所最嚴者在
毫釐心術之辨正不在行履步趨間也於吾法中何
者爲狂狷何者爲中行何者爲鄉愿所謂創自凡夫
不願是名真狂既念念趨向佛乘則九界事業皆所
始聞妙法直下以諸佛自期待乃至權乘小道亦所

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不屑是名真狷了達心佛衆生三無差別。以心卽佛故上求佛道無厭倦想。克與大智相應以生同佛故下化衆生無疲懈想。克與大悲相應念念悲智隨順四種悉檀善能自護亦善護他是名真實中行倘名關未破利鎖未開藉言弘法利生止是眼前活計。一點偷心萬劫纏綿假饒透盡千七百公案講盡三乘十二分教興崇梵刹如給孤獨園廣收徒衆如無相好佛無明業識未斷俱爲自誑自欺况一知半解沾沾自足是卽望鄉願爲極果僅成鄉願真因於沙彌

名義何啻霄壤今一念法弟秉求寂戒執勞運力供養三寶兼于佛法能知欣慕殊非貿貿者可比但須時自省察二六時中方寸心地還是菩提心切還是體面心重則中行鄉願之辨固可自知而自擇矣

示曉存聖天二沙彌

吾輩學道大似軍陣相戰不是勝進便是敗北萬無究竟兩持之理然兵家勝負權在一人若爲將者有才有膽有謀有力則多多益善亦可數百精騎亦可苟無才無膽無謀無力則少衆亦敗多衆亦敗何謂

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

清信堂藏書
卷三
將才。善能御衆。如身使臂。如臂使指者是也。何謂將膽。臨敵不懼。遇難不驚者是也。何謂將謀。知已知彼。因人任使者是也。何謂將力。拔山蓋世。無畏無怯者是也。學道之人亦然。善能調伏六根。使其有力無事。善識陰界。入相不爲魔境所惑。善知通塞。巧用助道法品。善能自強。不被五欲八風愛見煩惱所害。如此則何惑不破。何習不除。既善自立。便堪安立衆生。同入正法。倘流俗知見不除。戒波羅密不固。既離師友之側。依然舊日阿蒙。將今夏一番精進。半就唐捐。漢

可惜也。曉存聖天二法弟。尚慎思而篤行之。

示元白

學道之人。第一要真爲生死。第二要具足剛骨。第三要開發見識。若無真實爲生死心。饒你有志氣有力量。只作得世間豪傑。斷不能爲出世聖賢。若無真實剛骨。饒你要出生死。決被情欲牽去。熟境迷去。利名移奪去。魔患埋沒去。若無真正見識。饒你怖畏生死勇猛。直前必被邪師惡友引誘。輕安少得榮惑。或墮光影門頭。或坐知見窠臼。乃至或以味禪爲功德。或

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

以空寂爲家鄉。雖極勝者。亦必流入二乘權曲境界。無由直趨菩提。良由衆生心性。雖與諸佛平等。而無始迷妄積習深厚。故欲返本歸源。殊非容易。果能念念觀察世間苦空無常。無我不淨。下從地獄上至非非想天。總非究竟安寧之地。倘不誓求出要。則三界之內。往來流轉。有甚了期。生不知來處。死不知去處。茫茫苦海。言之痛心。豈容爲生死之心不切。既是生死心切。視世間一切事。那一件出得生死。那一件稍有真實。便宜痛發省悟。向千纏萬繞中。努力一踴。直

得殺父淫母。或是他家活計。將無始恩愛眼前活計盡情割斷。如悉達太子。初始出家。卽立誓云。設我骸骨枯腐。不盡生老病死之原終不返還。如此志氣。方不被一切業境奪去。方名具大剛骨。旣遠離愛網。專求出要。必應甄別邪正。洞明權實。了悟頓漸。若不遇真實師匠。惟應誦讀大乘。深求至理。不依文解義。不離經穿鑿。法法會歸自己。處處體認心性。自于佛法真宗。漸堪趨入。倘幸而得遇明師良友。不問是聖是凡。但令具足正見。能知如來祕密藏者。卽是可依之。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

人便可放下身心。朝夕承事。不惜體面。不辭勞苦。不畏飢寒。乃至不捨身命。畢生服役。各稟法要。自然福至心靈。感應交徹。如螟蛉之克肖。如時雨之化生。以得親近善知識。故則能親近最上妙乘。以得習學上乘法故。則能出生廣大圓滿出世智慧。以能出生出世慧故。則能紹繼諸佛命脈。以能續佛慧命故。則能弘誓莊嚴廣度。舍識等觀音之慈心。入普賢之願海。證毘盧之法性。合法藏之願輪。一生之中。頓可捨凡入聖。末法之際。能令正法復興。自利則二死之海可

超利他。則五濁之劫可轉。如此之事。雖甚奇特。亦甚平常。何以故。心佛衆生。三無差別。本覺之中。具含始覺功用。始覺一念全徹。本覺真源。迷悟交參。生死之心。自切理欲。交戰剛強。之骨自呈。權實相形。超方之見。自露。切莫高推聖境。自處凡愚。戀刹那之幻境。忘曠劫之遠猷。如轉輪王夢作蟻子。甘心碌碌于堦前似長者子。貲爲客作。無志承當於家業。斯則自暴自棄。非才之罪也。元白乾沙彌。客歲秉十戒于西湖。今復來相訪。叩其律行。善能自護。是誠夙具善根。久而

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不昧者乃出紙求予一言警策。予謂惟中人以上可以語上。充元白之操。自可紹隆佛種。倘僅僅守十戒於故鄉。雖畢生不破。而不得切磋琢磨。聞熏鍛鍊之功。止亦是鄉黨自好之人。縱非自暴。太覺自棄多矣。元白其審思而篤行之。重說偈曰。佛性衆生性。一性無二性。迷之沈六道。悟之爲三乘。迷雖無量惑。厥病惟有三。一者戀世間。不知世間苦。二者雖知苦。苟且自因循。三者雖勇猛。得少便爲足。以此三病故長夜在生死。或復出生死。亦墮權小乘。我依諸佛語爲

設三妙藥。一者怖生死。對治根本病。念念如救頭莫復存餘想。二者奮剛勇降伏愛見魔。五欲不能牽。八風不能動。三者開正見。遠離諸邪曲根。選擇圓通。現生成正覺。此三或自具。或復藉餘緣。惟有明師友。名爲真實救策。發生死心。鍛鍊純剛骨。開示真實乘。同歸無上道。是故古文殊。指引參知識。善財能順學。一聖本相齊。一念自因循。塵劫無端隔。俄然信得及。立地可知歸。汝名爲照乾。應知乾健意。自强能不息。兀兀

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

德乃統天天地在汝心萬物汝皆備。妄心中建立全妄可知真。真妄二俱非。一心絕戲論。悟此真常性勤行稱性修。修性不相離。斯名正覺印。迷性言修習修墮有爲功廢修談法性。自然外道同。是故佛與祖垂訓咸雙顯。雖或性奪修。而非不修習。雖或不言性而性在修中。性非修不顯。修非性不立。但以生死心勇猛不退心。廣大弘遠心。親師習正法。必能親悟入。知我言不誣。曠劫大固緣。莫作容易想。叮嚀此一去。究竟自快之。

書法雨扇頭

悲智相應名菩提心。發此心已方得無作戒。盡未來際自利利他。又菩提心者三心圓具。方稱真因。所謂直心。正念真如。深心。樂集功德。大乘心。直趨極果。是須二六時中。常自省察。念念相應。節名念念成佛。稍有不合。便於菩薩戒得失意罪。豈容世間貪嗔癡詭種種。習氣得以乘閒竊發哉。受佛戒卽入佛位。但在慎思而力行之。

書野儀扇頭

大醫家家傳大醫家書

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

伶俐二字。是世間大善。亦是世間大忌。善用之則爲聖爲賢。不善用之則戕生鑿性。聰明二字。是佛法所忌。亦是佛法所喜。不善用之則返障般若。善用之則禪助智慧。今人將此一番聰明伶俐向外馳求者。只因不達性具妙理。錯認落葉作黃金。故咿唔咈哩直至喪身失命而忘返。倘一念反求。則本地風光自透。而病魔亦不知其所往矣。

書西瞻扇頭

此亦固是家譜真跡也。蓋此本是家譜真跡。其題寫者。能生善法。莫如戒律。能成戒行。莫如信心。故曰。信如

水清珠能清諸濁水。然信心雖發。有三大障。能使退沒。一者嗔恚。橫於自他。而生惱害。二者我慢。於諸僧寶而生輕忽。三者懈怠。于諸妙法不肯學習。三法之中。有一于此。決能牽入惡道。忘失信心。幸時自省察。期心先哲。庶不負希有良緣。如法剃度也。

書洞微扇頭

心聞洞十方。生于大因力。雖曰初心不能入。然聖賢畢竟是凡夫做。倘高推普賢境界。而不努力。則是自暴自棄。非才之罪也。然欲培植大因。第一要虛心捐

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

已。親近知識，倘自恃資稟拘囿口耳之學，不向真實師匠邊討取下落，聞慧既缺，思修安寄，應思人世幻惑，耽得眼來。已是來生，安得悠悠視作等閒。高明之士，必能努力加鞭也。

書生忍扇頭

從古大聖大賢皆從艱難困苦中鍊出。近世密藏禪師初薙髮時，紫柏大師謂其福緣未備，宜興復古刹以助慧輪。故先命之營楞嚴寺，寺成而密公之道亦成。此真格外爐鞴，非凡情所知也。今生忍開公恰與

密師同名，亦膺智月之任。當知夙有機緣，萬勿錯過。真正學問，真正佛法，徒欲向黃卷赤牘間求遠之遠矣。四明座下三年直院，一喝悟入，芳風未墜，深爲生忍望之。自棄自壞其根器者，豈不無人不善？示費智瀾賢故分此日出林了舉。一意專學道之人，不難于善始而難于善終，不難于努力自修而難於親近知識，不難於高談名理，而難於實踐躬行。良以從緣發起，則意興偏長，日久歲深，則厭倦必起，單恃己靈，則錯修多端。尊師取友，則熏習成性。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

空談玄妙畫餅不益飢腸。尅實行持觸處無非緣了。是以善學道者先辦一副久遠心腸。始終一致。尅實行持。旣思有進無退。必須日近高明。凡二六時中。四威儀內。一舉一動。皆爲無上菩提方便。更不得藉言尚在塵勞。未遑修習。姑俟他日世緣了畢。一意專修。此卽是自棄自欺。非所稱素位而行。無入不得之學問也。今諦明居士秉性柔和。信樂佛法。但恐正見未豁。逆境易搖。又恐福運未隆。壽基不固。必須真操實履。勤行方便。尤以放生寡欲爲切要之務。蓋放生是

長壽之因。寡欲爲養身之道。又放生故能達無緣大慈。寡欲故能成清淨梵行。以此二事時刻銘心。久久不替。自然成就法種。自利利他。倘熟處不生生處不熟。魚子菴羅花喻亦可畏也。

示慈門

達磨一宗是超情離見。迥出格量之法。近世師匠往往各立門庭。競生窠臼。或認話頭爲實法。或以棒喝作家風。甚至穿鑿機緣。杜撰公案。謗讟古人。增長戲論。蓋不惟承虛接響。且大類優人俳說。言之可傷思

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之可痛。惟我慈翁大師。具全副眼鑒。時流弊說。方便語作救病藥。寧註經造論。以觸時諱。終不據曲盈木。弄鬼眼睛。使狂禪得以藉口。噫。此一段苦心真大菩薩護法心腸也。慈門開士侍大師者有年。而末後光明。尤能竭力營辦。當已窺大師之苦心。悟大師之方便。但未審歷游雲門博山之間。果能辨悉淺深。分別邪正。俾已躬下事。不被天下老和尚瞞去否也。夫識取綱宗。本無實法藥。非定藥。病非定病。善用。則諸方短處。皆成長處。不善用。則大師長處。亦成短處。故曰。

學人須具參方眼。若眼不明。則才除一病。一病旋生。是須脫去流俗窠臼的的向。自己脚跟下打透。禪必真。禪教必真。教律必真。律方不負出家初志。不負爲大師親侍也。忝在法屬。寧規無訛。當不以粗鯁罪我。示紹玄。

出家本是大丈夫事。但須具一雙超方眼目。又須具一副純剛骨力。乃堪爲師子兒。良以末法之中。魔強法弱。邪熾正衰。非有超方眼。則不能甄邪正于毫芒。非有純剛骨。則不能破魔軍之密網。是以不惟因地。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不真者。有果招紂曲之虞。卽正信出家者。亦有魚子
菴羅花之懼。古人作因果邪正四種。料簡良不誣也。
今紹玄開士。自幼矢志出家。因母命强逼婚娶。正在
妻壯子少之時。母一捐世。遂捨之而入匡山。此其一。
段堅固願力。真可追踪往哲。但須念念不忘本因。後
之視今。亦猶今之視昔。則鋼骨成也。又開士在俗時。
曾參萬法歸一語。三載不契。今潛心教典。人或謂根
機不利。此殊不然。信行法行。各有夙緣。宗門未必皆
利根。教下未必皆鈍漢。况今時禪道衰替。成魔成外
真知識也。

者遍於域中。紹公之不契。未必非紹公之福。但教下
人復有大病。所謂說食數寶。無益飢貧。依文解義。罔
臻理觀。此則紹公所應痛自努力以期速超生死。是
名超方眼也。有純鋼之骨。方可開超方之眼。有超方
之眼。方可成純鋼之骨。紹公因中已具此二。惟貴果
上究竟此二。庶不負棄妻棄子勇往淡山之本志耳。
予念念爲法門求人。兼與公同爲五乳眷屬。遂不覺
言之亹亹。知公必能諒我苦心。躬行實踐。祈爲法門
真知識也。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨居室卷之二

卷之二

示彭雙泉

學道之人不可無真實爲生死心。既有爲生死心。不可無具眼叅方之力。既無具眼叅方。不可不及时努力。隨事著眼。從緣薦取。良以吾人本地風光。雖久受沈埋。未嘗不處處迸露。只爲當人眼遲脚慢。錯過多端。若能向塵勞世事中。輕輕覲破。則菩提涅槃。正在煩惱生死中。全身顯現。若能的見菩提涅槃真性。便能稱性起修。將現前舉足動步。無非緣了。一修。雖貪嗔煩惱。尚可用作佛事。何況布施持戒。種種善行。有

何一法。不與自性相應耶。但學道者。固不可執性廢修。亦不可執修滅性。故必以聞熏之力。助發慧性。慧性開明。自然觸處逢源。不可向他方覓巴鼻也。又復應知。所謂不向他覓巴鼻者。非是徒恃已靈遠離知識。但事心師。不求正法。乃了達自他不二。根塵同源。則一切師皆是自心師。一切友皆是自心友。一切經論。皆是自心詮註。一切法門。皆是自心本具。既自心中之師友。乃至法門。安得不念念叅求。念念習學。念念受持。故今更於緣了。因中拈出最要二種。以爲

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

出生死方便於正因中拈出最實一事以爲歸趣之
方何謂最要二種。一者發菩提心受菩薩戒。二者熾
然作福不惜身家何謂最實一事所謂淨土乃吾人
究竟安身立命處也。以二要行趣一實地隨觀行之
深淺任運淨於四土若至三惑盡而二死亡則與如
來同證寂光上上品也

示邵伯誠

三界無安猶如火宅人皆能言之而未能審知何者
是火宅蠢動含靈皆有佛性人亦能言之而未能審

知何者是佛性夫但思出離三界而不知直斷其因
是猶避影而奔趨於日中也但思早成佛道而不深
觀佛性之義是猶說食終不療饑也生死根源雖多
無量大而爲語不出愛見二種愛名鈍使見名利使
六道四生無能出其範圍者出世法門雖亦無量大
而爲語不出福慧二嚴福即是布施持戒忍辱精進
禪定五種慧即是般若波羅蜜也慧喻如目福喻如
足有目無足不能進趨有足無目墮坑落塹目足雙
運入清涼池又體達三界見綱當體即是智慧光明

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

則念念上求福慧深觀三界愛網起於同體大悲。則念念下化衆生上求下化。名菩提心發此勝心。即是福慧之本熾然修行六度以滿足之復懼娑婆障緣偏厚切心回向淨土見佛授記還度羣迷是名直捷穩當法門

又

梵網經云若人受佛戒卽入諸佛性位同大覺已真。是諸佛子當知此一大事殊非小緣須諦信諸佛是已成之佛自己是當成之佛從此之後言佛之言行

佛之行心佛之心則三世諸佛本自與我一體一相。一用如或不然則菩薩二字有名無義羊質虎皮亦可懼也。大凡人有二患進鏡者慮其退速穩重者懼其不前離此二途任之以弘而貞之以毅雖塵沙大劫不難彈指直過此尤須見得徹自然守得定故曰明人忍慧強能持如是法今欲見徹此事不得鑽他故紙徒事口耳亦不得無聞暗證固守枯禪當向萬行門中透出并從明師良友大爐鞴中鍊過庶幾目足並運安穩入清涼池矣

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

示象巖

出生死有一種法名爲直心。亦名信心。增長生死有二種法。膽大者欺心。膽小者偷心。夫三乘出要雖則不同。六度萬行則皆缺一不可。但具一正直出生死心。便能信法。信人信已。法有三種。如來所謂出家三種事業是也。坐禪。讀誦。營衆福業。隨修一種。皆能超生脫死。成就菩提。不善修之。皆足增長繫縛。坐禪則有暗證之失。無聞之禍。讀誦則有說食數寶之譏。天鳥泥軛之報。營事則有錯因昧果之愆。火枷地獄之苦。

又此三事。修必隨機。藥病不投徒增冗結。或一門到底。或展轉助成。自己旣無道眼。必須諦信知識。善友言教。如重病者須信良醫。若自信已意。應服者不服。應忌者不忌。雖小小疾病。尚可致死。况無始痼疾。寧能有瘳。故旣信法。必須信人。具縛凡夫。能知如來秘密之藏。雖是肉眼。名爲佛眼。的可信。不待真佛菩薩現身而後信也。若於凡夫菩薩尚信不及。設遇真佛菩薩。去汝境界益遠。益復驚疑不信矣。或遇魔所攝持之人。順汝生死情見。逗汝狹陋淺小之機。而

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

有魔福魔黨之所助成。則汝必將反信之矣。豈不險哉。所謂信已者。則是諦信心性之理。與佛無異。迷之有九界差別。悟之則十界同真。切莫高推聖境。謂難行能行。難忍能忍。惟是聖賢境界。而甘心且作下愚。若有此一念自恕之心。恒沙諸佛出世。決定救你不得。何謂欺心。即是今時喪心病狂的無恥禪和。未得謂得。未證謂證。承虛接響。竊掠古人現成大話。當作自己門庭。聽其言語高超。佛祖之先。稽其行履。尚落狗彘之下者也。何謂偷心。即是一輩怯弱之人。雖具

半點學好念頭。無奈信法不及。信人不及。信已不及。無始我相習氣放不下。名利關鎖打不開。希望于佛法中。討一適性便宜的路頭。不肯徹底向一門中透去。於是禪不禪。教不教。律不律。行門不行門。依稀彷彿。將就苟且。遇著不知的人。則件件在行。遇著著作家。則面面相覩。如此混過一生。毫無真實利益。百千萬劫。依然還在生死窠臼。有甚了期。所以當今之世。佛法名雖大盛。實則大壞。以正法之眼已滅。徒有門庭施設故也。若欲的確求出生死求證菩提。先將

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

近時禪講流弊盡情識破。將自己從來杜撰主意盡情放捨。將生平軟緩習氣盡情打掃乾淨。將夢幻身命盡情拚得拋得。將種種惡逆境界盡情看作真實受益之處。如松柏必藉霜雪。如寶劍必藉磨礲。如攻玉必藉他山之石。如種植必藉糞穢。將名利聲色飲食衣服讚譽供養。種種順情境界盡情看作毒藥毒箭。決定埋沒人志氣。移奪人精神。破壞人操守。增長人習氣。能作如此降伏煩惱。則不坐一炷香。不看一句經。敢保出生死有分。倘不向痛處加拶。直欲向佛。

法邊起見。假饒坐斷八萬四千劫。通盡三藏十二部經。只好向平常無事中過日子。一遇順緣。依舊牽去。一遇逆緣。依舊打失。一不覺察。依舊落在無記。如何出得生死。到得西方。成得無上菩提。汝試二六時中。微細自檢。自察此種好佛法心。此種好佛法解路。當好衣美食時。還親切否。當無明煩惱時。還記得否。古人云。日中作得十分主。夢中止作得一分主。夢中作得十分主。死時止作得一分主。今白日浩浩。尚且作王不來。何況生死到前。汝莫謂白日作不得主。止因

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不知佛法。我今苦學不休。自然漸漸得力。頗見世間大學問大聰辯人。依然只是凡夫。良以做學問時。元不與生死心相應故也。所以圓覺經云。末世衆生。無令求悟。唯益多聞。增長我見。但當精勤降伏煩惱。須知坐禪讀誦與作福事皆可增長我見。亦皆可降伏煩惱。事非一向。但貴諦審自己根性。于三事中。何事最切近。何事最對病根。何事最可方便作。尅除習氣良藥。今在汝惟有營福一事爲便。何以知之。數年作學問而不成。一旦願齋僧而已。就此便是夙緣有在。

又身見最重者。宜以苦行消之。貪愛力强者。宜以苦境鍊之人。我山高者。宜以逆緣挫之。體面心重者。宜以忍辱治之。只須一心一意。向此門中打箇透徹。他年心花發明焰。十方刹。自能游戲百千三昧。通達無量法門。較諸枯守蒲團。咿唔章句者不可同列語也。楊岐十載打塵勞。古德芳風于今未墜。急須以直心行去。始得更欲之乎者也。總是偷心不除塵。不可出矣。勉之。

示周洽號法幢

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

經云。譬如無價摩尼寶珠。不遇識者。僅貿一衣一食。若十種瑩治。置于高幢之上。能雨滿間。浮提娛樂之具。吾人本性亦爾。凡夫迷之。而沉淪苦海。二乘昧之。僅得偏真涅槃。一解脫味。若人夙具善根。得聞圓頓真實教法。稱性起修。以修顯性。則能自度度他。偏拔一切衆生苦。偏與一切衆生樂。當知皆是性具功德。非強爲也。有禪友名曰周洽。別號法幢。謂如法建立高幢。庶得稱摩尼雨寶之性。而寰宇悉皆充洽。倘不秉圓頓教作稱性觀。何以副斯名斯義。我願禪友乘

此壯年銳志。敏質英才。努力自勉。他年重興教觀。紹佛祖慧命。端有望焉。

示韞之

出家固爲大丈夫事。而討究佛法。尤爲出家第一要務。故曰。諸佛所師。所謂法也。佛尚以法爲師。况佛之弟子。能不重法。雖勝義法。性貴在親證。倘非黃卷赤牘。作標月指。開示真實修行出要。何由得證法性。試觀佛未出世時。一切外道。亦各以信心出家。求出生死。只因不知正法。求昇反墜。自佛日高炤。長夜方開。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

今雖示滅。賴迦葉尊者徹底悲心。結集三藏。留之後人。依而行之。可出生死。倘不留心教法。假饒勇猛精進。決定成魔成外。所以脇尊者八十出家。尚須晝觀三藏。夜習禪思。乃克有濟。有云。年少力強。宜習教典。年衰力弱。只堪念佛。誤之誤矣。豈年少便不必念佛。老來便不可習教。將謂如來教法。僅同舉子業博名利。于半生者乎。一歷耳根。永爲道種。大士所以捨全身而求半偈也。今佛法流布。人皆視作等閒。殊不知恒沙世界。無量劫中。妙法名字。不可得聞。何容當面。

錯過入寶山而空手回也。願高明者急取摩尼以自贍矣。

示閱藏四則爲慧幢徹因二比丘說
一須體如來說法。本意祇要吾人超生脫死。非爲吾人口耳活計。每看一經。必須句句消歸自心。法法如說修行。方不受說食數寶之誚。

一學問之道。貴在下學上達。所以如來施教。必有次第。今人空腹高心。但圖圓頓之名。無力飲河。詎能吞海。必須先閱律藏。稔知佛世芳規。深練爲僧要務。次

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

閱四阿含經了悟正因緣境以爲圓妙三觀之本次乃留心台教深知如來說法所以然之妙及四悉檀巧被之致然後將此法界匙鑰徧開不思議經論之鎖勢如破竹矣

一閻律首四分次僧祇次十誦次根本次五分次及善見毘尼母等其中諸家傳受不同各有源委各有線索須細尋之無執一非餘亦無猶豫兩楹貴在得意善用大意已如問辯所明不妨已精益求其精莫謂此小乘法不足久久留心當捨之而別參上乘是謂此小乘法不足久久留心當捨之而別參上乘是

則末世癡人邪慢惡見牽人墮於惡道深坑不可信也

一凡閻大小乘經律論雖字字明珠言言見謬或各就自己習氣所重對治所宜或隨時流弊不同救拯有異不妨摘出要語期於自利利他如雪山之草無非是藥採之者期於對病如寶山之內無非是寶取之者先擇摩尼只此現成抄錄足驗當人手眼吾雖往溪山倘未卽死猶將觀焉

淨信堂初集卷三

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂初集

卷三

助刻姓氏

孫國光二兩 范淨達一兩 周淮一兩

錢濬一兩 陳太階五錢 蘇真賢五錢

張定賢五錢 薛蛟旺三錢 山馬繼瑞三錢

祖堂修如勸募

淨信堂初集卷四

萬益道人智旭著

不門人果海錄

答問

答卓左車彌陀疏鈔二十四問

原問附

問曰。華嚴會中二乘如盲如聾。然亦兼攝聲聞。以包含無量乘故。此經雖云二乘種不生。乃所宣道品大小互通。正與華嚴四聖諦品不異。故有生彼經判方證小果者。如大智度論言。彌陀亦以三乘度生。自應二藏五教總攝。何云不攝小乘。且既通

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

雜華復不能通雜華所攝無量乘耶

小乘且謂圓

答曰華嚴乃根本法輪攝一切乘故清涼獨判爲圓。謂其統該前四圓融無礙故也。今疏主判經既云頓教所攝以頓通圓非以圓攝頓。自與華嚴有別。若夫所宣道品乃卽小成大不類阿含。所證小果乃暫有終無。非同定性。謂不互攝亦奚不可。至於稱性而談。則一句彌陀橫羅諸教圓契五宗。卽謂全體華嚴全攝諸乘可也。圓人受法無法不圓法旣稱圓何乘不備。豈得以辭而害意哉。

問餘門學道名豎出三界念佛往生名橫出三界所謂餘門正指教中觀行。故叅禪稱爲別傳淨土亦云徑路。皆以超越觀行故。今云觀卽是念念卽是觀直以台觀當之不反鈍置念佛耶。

答曰淨土所以名橫出三界者。以凡聖同居淨土帶惑得生。非同諸餘法門必須斷惑。蓋是如來不可思議攝受之力也。教中觀行亦非一等。有析空體空次第一心之不同。謂前三種爲豎出三界則可。謂至圓至頓非橫非豎之一心三觀亦爲豎出可乎。况十六

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

觀經以如來勝異方便攝衆生性具觀門。宗旨既是一心歸趣又皆淨土觀念相卽。何名鈍置疏王本意但辯持名不惟散善非謂妙觀便不捷徑也。若夫別傳之旨尤不容乘言滯句。末法之中有名無義果令四教不收便成離經魔說烏在其爲超越也。

問觀經疏以十六觀通三諦。今以此經旁通觀經則入台觀門庭。以此經分屬圓教則入事事無礙法界然台宗以圓教獨歸法華而第四法界惟華嚴有之。未知台宗三觀得攝法界觀否。此天台賢

首差別處若爲會同

答曰華嚴法界生佛同源以收機不盡不免現權隱實則阿含乃至涅槃皆華嚴之間外所以驅率土而盡令其臣服者也。法華實相本迹同印以說時未至不免爲實施權則般若乃至華嚴皆法華之前茅所以會華夷而同令其執玉者也。故一名從本垂末一名攝末歸本。四法界三妙觀皆可盡攝一代時教。有何軒輊彌陀一經既與四法界通豈與三妙觀隔。若非一心三觀何得事事無礙。若非事事無礙何名一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

心三觀天台賢首未必差別。自是學人不善會耳。

問。合論判彌陀淨土是權非實。淨名惟心淨土是實淨土。然淨名言菩薩成佛時衆生來生其國。是明言攝受衆生死此生彼之事與彌陀無二無別。不正指往生事相論中何以分作兩橛。疏言此指事是一心者。豈事一心便不名惟心耶。

答曰。惟心之義。該一切法。若權若實。若事若理。總屬一心。離實無權。如離形無影。離事無理。如離波無水。合論以彌陀淨土爲權者。謂所攝衆生不必斷惑。但

以淨念之力。得生同居淨土。便出苦輪。乃如來權巧之力。非謂法藏四十八願莊嚴淨土。亦是權非實也。淨名心淨土淨。正同法藏往因。至于菩薩成佛衆生來生。何妨從實垂權。若念佛之人。果能因事入理。便可通前三土。又何妨卽權卽實。故知權實雖分而不分事理。雖二而不二。豈悖惟心之旨耶。

問。觀雖十六言佛便周。如經所言。觀佛身故亦見佛心。觀佛身者從一相好入。則眉間白毫可攝諸相。何故慈雲。但教人作蓮花開合想。鈔中亦止通

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

普觀爲助因耶

答曰。念佛觀佛歸趣同而入門異。初心行人雜則不成三昧。故或但觀一白毫相便能攝諸相好。或惟稱萬德洪名便爲多種善根。至于蓮花托質乃行人本所要心。雖曰助因實爲歸趣。故謂特宜知此。然正助兼修本無定法。如行舟者順風則揚帆逆風則扯縛乃至或撐篙或搖櫓各隨其便可也。

問。此經言衆生生者其中多有一生補處大本乃人言。生彼國者皆當一生遂補佛處。皆當之義。不止

多有。然則中下胎生等皆是補處皆爲等覺菩薩耶。

答曰。多有一生補處者指現在上善之多也。皆當一生遂補佛處者謂彼國衆生壽命無量。生彼國時任意修行直至成佛不須更歷生死也。豈必中下品生便爲等覺。

問。單念佛人不修助因所謂但得本莫愁末故云不修餘行。得波羅密亦云卽是多善多福。乃諸佛以萬行因花莊嚴法身。今念佛所證止可云素法

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

身。抑已具足萬行莊嚴耶。

答曰。三身本是一體。若獲法身則全性起修。全修卽性。萬行因華。任運具足。故曰。但得本莫愁末。又曰。先悟毘盧性海。後修普賢行門。以普賢行門不在性海外故。是以初心行人不修餘行。則三昧易成。三昧既成。則三因圓顯。豈有已證法身而莊嚴終缺。亦何須未證法身而預恐其不具足耶。然修三昧者。或一門深入。或餘行助成。如上行舟之喻。又未可執一論也。一行三昧。一卽是多。萬善同歸。多卽是一。神而明之。

存乎其人

問。宗門教人參念佛的是誰。似與別則公案無二。未嘗回向西方。鈔云。體究念佛與尊宿教人舉話頭下疑情意極相似。此只相似還是直參誰字。教分四種念佛。未列體究一門。今以攝持名中。却似經文本無此意。不應以此入淨業門庭。若謂參此話頭悟。則心開不悟。亦不失往生。此爲禪宗畱一退步。正墮偷心耳。若謂此疑不破。便不得生。是反不如一直念去。不起疑情者。雖不開悟。尚得往生。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

也乃智徹禪師直以此作淨土正行。慈炤天奇毒
峰皆教人參究念佛。此諸師又何所本耶。雲棲若
祖諸師疏鈔何不直拈誰字。若只相似又更有差
別否。其相似不全是處。何不道破。

答曰。念佛是誰。本是宗門追授語。後世祖師收入淨
業。蓋是善權方便。欲顯淨土可以攝禪。教有禪而無
淨土之病也。鈔云。體究與下疑情極相似者。舉話頭
人。但以參悟爲主。未必回向西方修淨業人。則以持
名爲主。不妨隨卽究理。是用功同而宗趣不同。所以

僅曰相似。又單提話頭者貴在蓦直追窮。體究念佛
者必須連舉佛號。是參情同而入手不同。所以僅曰
相似也。又復教分四種念佛。雖未列體究一門。而未
嘗不攝在實相。如云觀身實相。觀佛亦然。則知向蘊
界處入推窮。而云誰是佛者。卽觀佛實相也。今向正
念佛時體究。而云念是誰者。卽觀身實相也。故曰。持
名雖在初門。實前前徹于後後。以理一心。卽實相故。
是知疏主之意。以實相爲指歸。而卽以持名通實
相矣。又復悟則心開。固是淨業門中慶快。不悟不失

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

往生亦是淨業門中本期。非是禪宗退步也。設在禪門以悟爲則。以淨土爲歸。亦非偷心。若夫念不猛念。參不力參。旣未能融二非二。又未肯捨一就一。志圖坐收淨土之益。又不失禪客之名。是則真偷心耳。夫一得往生永超三界。獲果旣太植種宜淡。信願行三缺一不可。若信願爲前導。則直念苦參無非正行。若參念不猛力。則淨信淨願亦屬虛名。况學道之人。著手便判。有疑則參。雖欲罷而不能。無疑則念。雖欲起而何自。而乃欲較量于得生不得生之果。以商決我。

起疑不起疑之因。豈非生死心不切。而傲倅以冀功者與。

問。一切國土惟想所持。故以淨想換却妄想。如子憶母必善想。容儀歷歷可覩。今持名一門。但令念聲相續。不取相貌。只與讀誦無二。心易馳散。故稱名方便。或依出入諸息。以爲藉氣束心。乃禪經中攝心調息諸法似屬小乘。未爲第一義諦。將非大心。凡夫所當行持耶。答曰。子之憶母。或善想容儀。或呼號血淚。觀經云。彼

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

人苦逼不遑念佛。善友教言。汝若不能念彼佛者。應稱無量壽佛。夫三界之中。無非劇苦。何止臨命終時。但以畏苦心哀呼求救。則馳散何從。否則攝心調息。諸法亦自不惡。圓人受法。無法不圓。豈有定屬小乘者耶。况大心凡夫。有名無義。正恐未必勝小乘耳。問。大本云。若有衆生發一念心念無量壽。定生彼國疏中。究竟止及十念而不及一念何耶。又念性利那生滅。此經七日定力乃生。則未得禪定者無分。若此一念如一稱成佛。釋作皈命一心。則大本

不應繫十念之後。若止如經文作一念喜愛之心。則與他經言不動如來佛刹。不以愛戀之心。遂得往生者。難易不同。此則全無定力。亦得往生。其勝劣方便。又當超越小本耶。

答曰。按寶王論。利根之士。元只一念往生。鈍根之人。臨終十念脫苦。所云一念者。卽一心不亂之一念也。所云十念者。以苦逼不遑念佛故。但稱名令聲不絕。如是至心真足。十念罪滅功成。以垂死之人。得值善友。耳聽佛名。心怖惡道。境勝心猛。不同散善故也。然

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

則十念得生。究竟亦惟一念。七日不亂。究竟亦惟一念。乃至十日。七七日。九十日等。究竟亦惟一念。此一念者。斷非利那生滅之散心。亦不必四梵四空之禪定。至於一念喜愛之心。即是清淨樂欲。含攝亦深。若阿闍經所謂喜戀之心。本指欲染。未可執文而難義也。

問此七日。若平時姑置。待臨終方念。已爲天如所呵。今既屬平時者。爲是七日之後。盡此形壽。更不復亂耶。爲復此後。雖亂。終得往生耶。若永不復亂。

不應止名七日。若更亂者。則已經退轉。何能感佛現前。

答曰。嗜欲深者。天機必淺。淨功勝者。穢想必羸。果能一心不亂。則七日之後。豈應全散。顏子三月不違仁。豈三月後。便違仁耶。若乃愛緣紛擾。前引後牽。而擬欲邀功。七日以自寬心。如措大博。一第後。便拋舉業。正恐七十日。七百日。亦未能一心不亂耳。

問。一心稱名。有事有理。此語本出台觀。鈔中亦名理。一心爲觀力成就。則體完全屬觀門。但前言妙

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

觀難成故顯持名殊勝。今乃復通觀法。仍是定觀勝於持名矣。若云參誰字是體究則又全屬宗門。且當參話時。不應有如智不二。寂照難思等幾許理路可傍。未免兩處負墮義云何通。

答曰。事理二途混不得分不開。疏主雖一往以稱名爲事持。體究爲理持。仍云機亦互通不必疑阻。謂不假方便。自得心開則事持而能成就理一心也。又謂體究之極。於自本心忽然契合名理一心。則未契合時體究無間。雖名究理。豈非事功。然體究一門。正與

近時禪宗相合。實與台宗妙觀不同。台觀以圓解了了之後。全性起修。故隨舉一觀。無非不思議境。體究以未明心性之時。鞠其根源。故審察功極始能忽然契合。契合之後。方達如智不二。寂照一心。方與台宗圓解融合。非謂正參話時。便有理路可傍也。初心學人。理路既未精通。又不可彷彿相傍。所謂心麤境細。妙觀難成者以此。

問一部疏鈔大意全重理持。則所明持法最爲要害。今既是持名。復云理觀。既是理觀。復拈話頭。禪

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨止觀三法混淆雖復義理圓融而行人念不歸一將何爲宗此與一門深入專修無間之旨何復不侔

答曰疏主雖重理持蓋欲卽事入理非欲以理奪事當知持名是正行理觀是所通話頭是持名之轉局也到家之後一切卽一入門之時一卽一切專修無間責在人而不在法矣復次通序大意中云著事而念能相繼不虛入品之功執理而心實未明反受落空之禍則亦未嘗專重理持所以處處明理持者直

恐狂岡禪和謗淨土爲凡愚之行故明法門雖一深淺由人後裔無知反執理而輕事落空之禍誰代受之

問疏言一心卽達磨直指之禪又云六祖斥無乃門庭施設不同假使纔弘直指復讚西方則直指之意終無由明既言卽是直指復云爲門不同是少林與曹溪亦復不同耶

答曰佛語心爲宗心地法門包含無際或時建立一切法而建立不外一心或時泯絕一切法而泯絕亦

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不外一心。或時雙遮。或時雙照。或遮照同時。而總亦
不外一心。故門庭施設不同。而一心指歸不異。今言
一心卽直指之禪。蓋言其指歸也。六祖斥無乃一期
應機之語。在彼一時。非此則直指之意不明。非謂但
是宗門。便須撥淨土也。永明云。有禪有淨土。猶如戴
角虎。中峰云。禪者淨土之禪。淨土者禪之淨土。豈以
讚西方而直指之意便不明耶。宗門本無實法。若言
六祖定作是語。幸莫謗六祖好。

問。疏指至心念佛一聲。滅八十億劫生死重罪。屬

理一心。若事一心者。多念止滅少愆。乃又引佛名
經言。一聞佛名。滅無量劫生死之罪。釋云。一聞則
不待憶念。無量則不但八十億劫。然則何必獨指
理一心也。覺于此中自相違礙。又此經亦言。聞經
聞名。皆得不退。則一切等閒發願。散亂稱名者。咸
不退耶。

答曰。觀經云。彼人苦逼。不遑念佛。善友告言。汝若不
能念彼佛者。應稱無量壽佛。如是至心。令聲不絕。具
足十念。稱南無阿彌陀佛。稱佛名故。於念念中除八

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十億劫生死之罪乃至卽得往生極樂世界。蓋由怖苦心切善友緣強一念猛利超過百年悠悠非必有究理之行疏主判屬理一心者或謂彼之猛利勝於尋常事持亦是意圓語滯耳若佛名經中所言則以彼佛具無量威德願力故聞者獲如是益聞而不信者亦復獲無量罪要非少善根福德衆生所能得聞也至于等閒發願散亂稱名彼無臨終之猛利功用亦有差殊所云不退原不一等隨聞隨證者則有位不退行不退念不退之不同僅歷耳根者則如食少

金剛究竟不消亦可名爲遠因終不退耳

問棗柏言華嚴一乘大道非往生菩薩境界何故華嚴長子乃以十願導歸極樂如生公說闡提有佛性則後出涅槃爲證今行願全與棗柏不符則一論宗肯竟將安歸乃雲棲但拈出導歸之文亦不能折棗柏之誤當知棗柏未易輕詆今和會兩義其說云何

答曰淨土一門豎該橫徧寂光則惟佛所居實報則法身大士所居方便則三乘權位所居同居則凡夫

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

皆得與會。今合論言。往生菩薩者。蓋指大心凡夫。或是回心羅漢。出此五濁惡世。生於同居方便二淨土中。未悟毘盧性海。未入因陀羅網法界故也。普賢十願導歸極樂。正屬不可思議解脫境界。徹果徹因。通凡通聖。聖則全法界而入一塵。凡則從一塵而通法界。棗柏但言一乘大道。非往生菩薩境界。不謂往生誓願。非一乘大道所攝之法門也。若云華藏大而極樂小。大小之見未凸。未夢華嚴法界在。

問。因戒生定。因定生慧。則一心者自制心始。此中

自當發慧。所謂不假方便。自得心開也。天台念佛五門次第。亦復如是。今以事持屬定門。攝理持屬慧門。攝而云事持。未能破妄利根徑。就理持。將慧不由定。一切理路通明。便可當覺路耶。

答曰。三無漏學。次第相生。前不具。後後必具。前故事一心時。屬定門。攝理一心時。屬慧門。攝所謂理一心者。乃雙指體究。忽然契合。及念佛自得心開之境界也。又謂利根竟就理持者。雖體究無間時。便可名事一心。亦有定力。而重在悟理。不重除散。故屬慧門。如

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

大慧所云先慧後定者是也。若細判之。則定慧二門各有利鈍疏主。蓋略而未言耳。

問。諸經多言念佛行人。現前見佛。如遠公三觀聖相等。所謂能念佛人。佛住其頂。古德教人決志求驗。正在平時。今經止言臨終佛現。豈七日功成未能現見。僅感臨終耶。抑必現前見已。然後臨終得見耶。

答曰。行人見佛隨淨業之淺深。或現前便見。或臨終方見。此經但說臨終者。義重往生文多隱略故也。今

只向執持名號。一心不亂處。努力加鞭。設得現前見佛。尤爲穩當。縱或一時未見。而信願行三既得成就。往生自可無疑。慎勿生退息心也。

問。往生菩薩心不顛倒。故能預知時至。正與本願相應。然則坐脫立亾。庶幾去住自由。能識死從何去者。何爲古宿全不以此勘驗。至云死時何苦欲先知耶。

答曰。宗門古宿祇貴開人眼目。故與奪隨機。無有死法。然但云死時何苦欲先知。非禁其任運先知也。雖

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不貴預知時至非許其心有顛倒也。心不顛倒則不必欲先知而無不先知者矣。

問觀經十念論明臨終心力猛利能勝終身行力乃大本十念不言臨終此與觀經爲同爲別若此七日不必定是臨終則此十念亦屬平時旣非最後大心何能化往寶王論反以一念爲正是義何居

答曰按大本法藏願云若有衆生欲生我國至心信樂乃至十念若不生者不取正覺觀至心信樂四字

何等深切雖不必在臨終實與觀經臨終之人同一猛利又後世祖師因立晨朝十念行門畢生不缺亦得往生以有恒心故也寶王論一念之義已在前第
十答中

問觀音勢至同侍彌陀爲西方三聖觀音反聞自性與今持名一心總以音聞爲教體正應同屬耳根圓通又文殊亦發願往生何反揀去勢至鈔言耳根不攝念佛念佛能攝耳根是勢至能攝觀音而觀音不攝勢至將持名不屬音聞而觀音不補

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

彌陀爲安養敎主耶

答曰法無優劣。機有抑揚。如華嚴獨宗普賢。非爲鈍置觀音。則楞嚴獨選觀音。亦豈鈍置勢至。須知觀音於六根中。從耳根入。勢至於七大中。從根大入。論入門。則耳根於此方獨利。論收機。則淨念與三根普通。然則文殊自選耳根。雲棲自揚淨念。有何不可。又復圓解之人。門門透徹。法法貫通。耳根淨念。無不互攝。互融。初機之人。耳惟一根。念乃都攝。雖謂念佛能攝耳根。耳根不攝念佛亦可。若夫觀音勢至。既皆補處。

大士。豈猶住在方便門中。而亦以攝與不攝爲難耶。問。世尊言。諸修行人。用攀緣心爲自性者。猶如煮沙。欲成嘉餚。今此念佛心。是攀緣心耶。非攀緣心耶。若用攀緣心者。一切覺觀思惟。皆是生死根本。若非攀緣心者。何言。性生滅因。果殊感。若云此生滅心。卽不生滅心者。何云煮沙。此與波木之旨。當自不倫。波即是水。砂非是餚。大覺立喻。應不雷同。乃法華所云。若人散亂心。一稱南無佛。南能所云。不斷百思想。對境心數起者。又非卽用此生滅。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

心耶

答曰修行人錯處不在用攀緣心錯在以之爲自性耳以爲自性所謂認驢鞍橋作阿爺下領也使成砂餅之喻識得攀緣心本無自性則能用攀緣心而不被攀緣心用故曰家賊難防時如何識得不爲怨便合波水之旨况勢至一門本屬根大意根爲主五根從之故曰都攝六根淨念相繼意根卽第七識以七識無始時來但知念念執我今以妙觀察智之力令其直下念佛猶之以甜瓜而換苦瓠又非尋常攀緣

心可比夫尋常眼識綠色耳識綠聲乃至意識緣法皆是順生死法今念佛時佛非色非非色非聲非非聲乃至香味觸法亦復如是超世間法離語言道但可淨念憶持原非情量所行境界豈可謂念佛心是攀緣耶卽謂念佛是攀緣心而以彼攀緣六塵增長生死者轉而攀緣慈父永脫苦輪亦自不惡安得一槩論耶若所謂念性生滅因果殊感者本是揀機何嘗揀法祇論娑婆根性唯耳根易顯圓常彼念性猶屬生滅非謂已悟如來藏性之人念性終不入於圓

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信宣示集 卷四

通法界也。末世學人鮮登圓解耳。根入道亦甚難言。若不能向佛頂前四卷中痛思深義。窮源徹底。則初於聞中入流亡所。工夫畢竟如何理會。圓頓法門。非小根劣智所能擬議。何異無米索炊。畫空成繪也。固不若因果殊感者。尚有心開之日耳。

問。經末先言不退後云往生。正以現生取辦。趨乎餘教。鈔中反開少壽多障。不克往生一路。云於來世得生此墮慈照所云。其人自不知我當生淨土。却要來後世再得生人中也。乃引禪門才出頭來。

現成受用語爲證。則何以永明揀去有禪無淨土。一流明淨業之諦。當於宗門耶。

答曰。真念佛人決無不生淨土者。真受持是經人。決無退轉菩提者。第恐少根少福之人。障深慧淺。或發心念佛而未獲功效。不歸罪於工力之淺薄。而反疑佛法無靈驗。故引梵網增益受戒及宗門才出頭來等語。勸人少多皆種善根。亦萬不得已之苦心。非爲左袒有禪無淨者也。

問。準提密圓與華嚴顯圓並屬第一疏云。持名功

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

德猶勝準提。今念佛人。盡此報身方得往生。所證極果。僅在上品。何以不如準提所開不轉肉身。便得往詣十方淨土。只於此生證得佛果耶。

答曰。顯教密教無不通因貫果。該始徹終。所以極準提之神力能使不轉肉身。便得往詣十方淨土。而不必持者。皆能爾也。故禳災祈願等。亦隨人所用不同。若夫念佛三昧。亦云現前當來必定見佛。夫現前見佛。豈待報終。此經謂發願者聞經者。皆得不退于無上菩提。觀經謂無量壽佛化身無數。與觀世音及大

勢至常來。至此行人之所。又謂見無量壽佛者。卽見十方無量諸佛。以見諸佛故名念佛三昧。同彼華嚴德雲比丘所示念佛法門。何常不至廣至大至圓至頓。祇因鈍根未能證極。妄謂佛法不無淺深耳。今欲獨顯此門之勝。令衆生深信深解。專心趣入。理應揀去餘門。亦猶擇嚴選圓通意也。疏主老婆心切。如此殷勤勸勉。而知之弗行。亦未如之何也已矣。

續答卓居士十問

原問附

答語得未曾有。自是法門一種快書。向恐禪師疲

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

於酬對刪去十則。今見來答如雲興瓶瀉復致前
問乞卽賜答以成全書知明鏡不疲于屢照耳。
問參究念佛一門本是主張淨土亦復攝入宗門。
以爲向上一著千聖不傳必從參究而得故然一
代時教皆屬他寶云何禪門公案使屬家珍饒伊
通徹三藏十二部難免閻老鐵棒云何看破一則
公案便可喚釋迦老子與吾洗脚耶若云禪是教
之綱領何故世尊不說留至後代宣揚若云經文
亦可參究又何用勞他一千七百則爲耶今參話

一節不獨迦文未常拈示亦且西來無此法門。向
謂門庭旣熟便成窠臼故後來諸師換此一法今
參話亦成熟路不妨更換一法如何

答曰向上一著千聖不傳言前薦得屈我宗風句下
分明沈理佛祖况可云必從參究得耶參究之說亦
是一種方便本無實法綴係于人故古人稱話頭爲
敲門瓦子何嘗以公案作家珍苟昧綱宗死在句下
謂參話方能悟道病參話亦成門庭皆益戲談何關
宗教若是舉一明三自機銖兩者隨拈一法透一切

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法盡屬家珍誰爲他寶。若是緣木求魚。守株待兔者。三藏十二部固是拭瘡疣紙。千七百則公案。亦是陳腐葛藤。法無得失。得失在人。不見道宗者。佛心教者。佛語。宗者無言之教。教者有言之宗。然則但當因言會心。何得迷心逐語。果能契悟心源。方知一切佛祖。皆無一法與人將以。何法換去。何法耶。

問。料揀中雖有諸過。亦名爲器者。如經所言。大石置船上。因船故不沒。然旣五逆往生。世尊何不能滅定業。若一切諸過。皆得借此名器。寧不入地獄。

如箭

答曰。千年闇室一燈能破諸過。在于聞法之先。深悔發於造業之後。懺力旣殷。業便無定。世尊不能滅定業。非禁人之自轉業也。若習聞佛法。尚不革心。是名抱石投淵。雖近船邊。何濟。

問。涅槃法師旣於禪觀得見寶筋。止因未誦彌陀。不得附載。乃法華云。聞此經典。如說修行。命終卽往生安樂世界。一則必待受持。一則不煩專念。豈法華涅槃。有勝劣耶。

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

答曰。淨土一門。願爲前導。涅槃法師雖有禪觀。未誦彌陀。當是平日願樂不深。故不能附載寶筋耳。法華謂聞此經典。如說修行。終往生安樂。是世尊直以法華爲蓮邦左券矣。既稱如說修行。便具深心願樂。專念法華者。卽爲專念淨土。猶觀經所謂持是經者。卽爲持無量壽佛名也。非法華涅槃有優劣也。

問。下品鐵蓮未見佛說。鈔以七寶四色所攝。應無鐵蓮爲據。然後文言淨土實具無量寶蓮。華實具無量色。如大本青白玄黃朱紫已成六色。而七寶

中應無玄紫。則玄色所攝。反成彼義矣。復次蓮分九品色有高下否。經文青色居首。而上品金蓮。當是黃色耶。昔人方欲揀取金蓮。則蓮花色像所應委明。

答曰。觀經下品下生章云。命終之時。見金蓮花。猶如日輪。住其人前。安有鐵蓮之說。經中一往且列四色鈔中。隨文用攝。七寶。寶非僅七色。非止四。而鐵不是寶也。青黃赤白順次成文。未必分高分下。九品蓮華。依正必應相稱。如初地百葉。二地千葉等。可以例知。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

誓取金蓮求之于已。豈揀之於花。則淨業淺深所應
自考。委明色像。未爲急務。

問。蓮分九品。又別人天爲是人天錯居爲是天上
人間各分九品。彼佛浴池及菩薩聲聞爲居天上
爲在人間。若皆居天上。則黃金地上非彼境界。若
居地上。將優品盡居人間。末品反生天上。既欲注
想彼境。當令依正條然。

答曰。此界六道昇沉。苦樂迥異。淨土惟天人衆。純樂
無殊。法華授記中。亦言人天交接。兩得相見。豈極樂

國土。天人顧迢絕耶。九品往生原未常判定。是人是
天。或天人皆是九蓮化生。名異實同。亦未可知。或人
則此土胎獄彼土蓮華。天則此土尚自化生。彼土不
須托質。亦未可知。大本謂宮殿樓閣。有在池者。有在
空者。觀經謂樹上寶網妙花宮殿。諸天童子自然在
中。然則淨界莊嚴妙在不可具說。若欲凡情測量。俾
其條然。則非彼境矣。

問。衆生五欲深重。故以衆寶鉤牽。而此中淨侶多
屬巖棲。巒岫之嗜踰於五欲。何故淨土獨無諸山。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

則缺此一種接引。若如毘舍所云。此方心有高下。乃見丘陵。則地水同名。四大首楞嚴不云。馳息不息。積波爲水耶。若寶池可具功德者。則如須彌相須彌光等。何嘗不可表法。

答曰。衆寶莊嚴。本非鉤牽之具。卽如娑婆國土。增刦則惟睹琉璃。減刦則但見土石。蓋是淨業所感。惟心所現。今欲除其穢想。故特示以淨緣。若夫嗜蠻岫。踰於五欲。正所謂見山忘道者。乃是獮猴鹿豕之儔。豈參諸上善人之列。

問淨土化生。正是大乘法門。而法音宣流。則首說道品。卽迦文權說三車之義。觀經止言讀誦方等。既不復及阿含等經。則知三十七品爲何物。又庫藏珍寶。必先與領知。而後堪委付。今淨業門中。有不禮餘佛。不誦餘經者。如法華亦云。其人不復志求餘經。不併違觀經之義耶。

答曰。般若經中。每列三十七品。隨結云。乃至一切智。智清淨無二。無二分無別無斷故。則道品豈非大乘法門。又淨業門中有不禮餘佛。不誦餘經者。乃一門。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

深入之旨禮一佛即是禮一切佛誦一經即是誦一切經。恒沙性寶無量法藏一齊委付一時領知大乘方等經典須如是讀誦始得

問一句彌陀全藉五時入教諸經爲他注脚引人信解若不通種種法門則大小彌陀亦無義味又復各響度門空花佛事皆可修習回向助開正慧乃云修餘種種法門便屬二心則華嚴何云受一非餘魔所攝持耶

答曰法無彼此機有差別故化他必須貫通諸法自

行惟貴信受奉行又復慧性既通則一切法門本無二致初心修習則不兼餘行庶易成功正欲向一法中透一切法豈同受一非餘

答問鈔中蓮臺二義一者基臺臺在花下二者房臺臺在花內今所云金剛臺紫金臺爲是房臺爲是基臺旣云花必有臺臺必有花而中品曰蓮華臺爲是花下復有花耶爲是花內復有花耶答曰托質金臺本在花內基臺非所論也中品謂坐蓮花臺復云蓮花尋開但缺坐已花合之句蓋是文

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

隱略耳。胡爲執文難義至此。

問。鈔言裝師以兜率可計由句極樂歷多佛刹。故判內院易生。今論因不論地是以揀彼。迨後言勝蓮花甚超極樂則復明樂邦在近不應求遠。此又論地不論因耶。

答曰。兜率難于極樂固非論地。極樂易于勝蓮亦祇論因。正以勝蓮境界去博地凡夫甚遠。不同彌陀曲垂方便十念便可成因。未有不能生極樂而能生勝蓮者。但應溪信佛語。入淨土之玄闇則極樂未必不

卽勝蓮。如或情生偏計疑極樂爲權施。則勝蓮不啻隔於極樂矣。

擬答卓左車茶話

原問博山啓附

和尚上堂法語提唱宗門。無不超佛越祖。至於每日接衆開示念佛。未免權引中下機緣。竊謂以宗門被上根念佛接純漢。尚未掀翻從來窠臼。不能令大丈夫死心念佛。佛言。若人專念彌陀佛。是名無上深妙禪。如今宗門中弄虛頭逞精魂漢。一味胡言亂語。定不如真實參究念佛底人。若於末法

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

中應病與藥。寧可撥無淨土。不應收作權乘。况法王於法自在。能縱能奪。何必依他宗門古宿。揚禪抑淨。和尚本是雲棲辨香。伏乞將參究念佛一門。豎吹毛劖擊塗毒鼓。大轉法輪。如何是念佛門中通身入理。向上一路。直踏毘盧頂上行。作畧。如何是學人初下手時。便離四句絕百。非念佛。如何是念佛人最後極則滑訛處。腦後一鉗。從來宗門語。句壁立萬仞。一涉淨土。定屬廉纖冀。和尚將向来自性彌陀。惟心淨土等譜。撇向一邊。將和尚話頭。

破後如桶底脫線索。斷時親見如來一種境界。快說一番。震動大千世界。
宗乘與淨土二俱勝妙法。衆生根性異。不免隨機說。須知向上一著。非淨非禪。卽禪卽淨。才言參究。已是曲爲下根。果然真大丈夫。自應諦信。是心作佛。是心是佛。設一念與佛有隔。則不名念佛三昧。若念念與佛無間。何勞更問阿誰。故參究誰字。與攝心數息等。皆非淨土極則事也。若論淨土極則事。無念外之佛。爲念所念。無佛外之念。能念于佛。正下手時。便不落。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

四句百非便能通身入理。但見阿彌陀佛一毛孔光。卽見十方無量諸佛。但生西方極樂一佛國土。卽生十方諸佛淨土。此便是向上一路。若捨却現前彌陀別言。自性彌陀捨却西方淨土。別言惟心淨土。此便是淆訛公案經云。三賢十聖住果報。惟佛一人居淨土。此便是腦後一鉗。普賢十大願王導歸極樂。誰敢收作權乘。憶佛念佛不假方便。自得心開。誰謂定屬廉纖居士。但能深信此門。依信立願。依願起行。則念念流出無量如來徧坐。十方微塵國土轉大法輪。照

古照今。非爲分外。何止震動大千世界而已。若欲知衲僧家事。不妨借中峰一偈爲居士通個消息。偈曰。禪外不會談淨土。須知淨土外無禪。兩重公案都拈却。熊耳峰開五葉蓮。

答印生四問原問附

問。戒定慧三稱無漏學。因戒生定。因定發慧。卽不問。敢問未得戒時。以何法攝心。十戒有犯。還許懺悔否。懺悔之後。卽許進具否。作何懺法。方名得戒耶。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

答曰。若欲得戒。須具殷重心。清淨心。希求勝法。若欲懺悔。須具慚愧心。決斷心。翻前惡境。卽此爲攝心法。卽此是得戒因。十戒有犯誓不更造律許進具。但事應鄭重不宜欲速得之難者。藉以要心。庶期弗失耳。問。一代時教佛祖宣傳。初心行人。還許偏閱否。律固與教不相礙。而叅禪人還許看教否。待悟後看教。此生恐難保任。麤了大義。卽行叅究。又恐知解纏繞。作何法則方能掃却。

答曰。看教之法。貴精不貴多。但向一部中精研妙義。

徹骨徹髓。自然旁通衆典。勢如破竹。然欲徹骨徹髓。必須隨看教時。隨卽觀心。旣曰觀心。功同叅悟。原非尋言逐句。有何相礙。教理資神如膏助火。是在精了其義。不應麤了。未能精了。而曰知解纏繞。何異戰敗之士。自咎武藝太多者耶。

問。叅禪一門。信爲最上。不識除話頭外。別有一法否。黃檗已前諸祖。何法得悟耶。若叅禪時。從何入門。從何下手。四威儀中。作何主宰。始得不被境奪。至何光景。當見善知識。到何田地方。名究竟。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

答曰禪者教之綱領。教之骨髓。教之眼目。故云最上。但令衆生直下知歸那有實法。其參詰頭本屬後世。方便以死學人偷心。從上諸祖。但向本分中留心。更無別法。只今學人須向本分中入門。向本分中下手。一切時中。但以此一大事爲主宰。無論看教看律。世法佛法。動裏靜裏。總只爲此一件大事。自然不見有境。豈爲所奪。若夫善知識者。時時當見。決擇身心。百城煙水。芳規可尋。直至圓滿菩提方爲究竟。是在當人發大勇猛。拓大虛懷。啓廸大智。長養大悲。捨一切。

愛見修一切方便。乃不墮凡夫外道二乘權教諸境界耳。

問。淨土一門。有參究念佛之說。不識當得話頭否。或者恐爲參禪人開一退步。亦似不妨。一生參禪。臨終發願往生。則何如。今生不發明。又待來生於濁世參禪。恐不能作主耳。不識作何意旨。方得融通。

答曰。淨土一門。須具信願行三。無行則信願固爲虛設。而無信願則行亦唐喪劬勞。必欲一門深入。何須

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

更涉參究必若不捨參究仍欲生西決須早晚回向如楚石十念不缺方爲穩當不得俟臨終方發願也若志在參禪須辦肯心又不須計及悟與不悟今生來生旣恐濁世難于作主何須貪戀禪之一字而不捨耶事在自己相應不必曲爲融通也

擬答劉心城又問博山四條

附原書

何物凡愚蒙師不棄殷勤答話析剝難酬凡愚旣非格外人安得領略未問先大師答而無答凡愚問而復問惟我大師尚卒教之

蒙示云卽今若有取捨同之一字卽是妄言玄復
不疑妙宗宗旨正謂取捨愈有愈無斯爲圓妙若無之始無不落小乘耶
答曰按妙宗云取捨若極與不取捨亦非異轍夫極之一字謂取至無可取處捨至無可捨處恰與不取捨合非僅以取捨作無取捨會也吾正欲居士極之不欲居士無之若無之始無不惟落在小乘正恐墮在惡取若未致其極便擬爲同仍難違于妄言耳

蒙示以葛藤掃葛藤與不絆葛藤者優劣若何玄

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

復疑不絆葛藤豈非向上極則若以較台宗二而不二不二而二正爭此葛藤之有無非學人分中始墮葛藤窠臼也惟我大師實云不敢以宗抑教以教抑宗豈復置一優劣耶若謂劣在人不在教則教理不廢葛藤葛藤無非圓頓人亦未肯遽職其咎也

答曰文字性離非離文字未達斯旨謾云不立只此不立便是文字迷時法華轉悟時轉法華此吾所謂不絆葛藤也誰爲所掃誰爲能掃試觀智者大師悟

法華三昧九旬談妙字字皆從秘藏中流出字字皆能含攝秘藏豈似後人尋章逐句入海算沙全墮葛藤窠臼謾云以葛藤掃葛藤不職其咎而誰咎與

蒙示云多句不離一句須得水源若尋枝蔓妄云句歸何處不太蚤計耶竊聞台宗專用六識謂之去丈就尺去尺就寸又謂之伐樹得根炎病得穴不懸合我大師溯水源而掃枝蔓耶既得其本即此蔓是本旣逢其源卽流是源一句多句多句一句似無復遲蚤之可判也

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

答曰。台宗妙觀圓解爲先。禪宗綱要開眼爲急。解圓則一色一香。全彰三觀。何況六識。眼開則掉臂聲喙無非祖意。何一何多。若居士果具圓解。自能歸根得旨。左右逢源。何乃培業根而不伐護膏肓而不炎錯認源流。倒置本末。悖台宗之與旨。入生死之迅流。真無復遲早可論矣。

蒙示云。一念識心保無失脚。用那箇心保得。若用識心。識心隔陰。則不能知宿命。具通一生難辦。大師慈悲警策至此。可容下凡。未得謂得以地獄爲

見戲乎。然台宗專用六識。既是一家宗旨。斯爲圓頓無上止觀。懸合楞嚴。楞嚴云。憶佛念佛。現前當來必定見佛。卽謂憶念亦用六識。確爲無過。故圓人雖極圓頓。而至何位。斷何惑。證何理。往判諸教諸位。無不通達。學人分中。正不必宿命通。卽教中明用六識。六識明知位次。若能依教修學。人縱未必能自保。而教理可作保人。凡愚人。實作凡愚朴實語。更望大師慈悲攝受。而卒教之。

答曰。台宗觀一念識心。卽不思議境。以圓解之人。旣

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

達如來藏性。故能卽流是源。若但謂專用六識是以諸攀緣爲自性。乃無始生死根本。正屬楞嚴所訶。而猥云懸合。不幾謗止觀耶。又勢至圓通。屬七大中之根大。故曰都攝六根。淨念相繼。蓋意根爲主。五根從之也。以根爲識。確爲有過。又斷惑證理。安立位次爲令行人不生增上慢見。觀心若起本迹俱絕。若謂六識明知位次。便屬法塵分別影事。何名圓頓法門。且問居士。貞今已斷何惑。已證何理。已登何位。命終之後。當生何品蓮花耶。居士旣留心台教。藉此爲西方。

保人而未識。保人作何面孔。其能決定相保耶。果然識得保人。管取亦能自保。勉旃勉旃。

擬答忘所書

原問博山東附

老師荷擔祖道。可謂真師子吼。能雖繫影崖石。實切馳想之。至今不求而獲。瞻禮喜當何如。但信處雖得十九。而疑者亦不無十一。茲欲披露以求決。不知肯施慈誨否。竊謂佛法逾久而逾衰者。非獨時之使然。正師資易相授受。正法濫觴不可援耳。且以學人論之。不問其根之利鈍。誰無相生住滅。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

及流注生住滅縱不落識情分別迥絕相許言斷而流注能截然乎。卽截然尚名真如流注未能融真妄而爲一。此正爲擔板但見一邊故我佛旣以覩星作悟緣乃歎云。奇哉衆生具有如來智慧德相但以妄想執著而不證得。此妄想執著四字累吾世尊四十九年漸漸剗刷或開言或遮言令有無非有非無亦有亦無四種執著遣盡四執旣遣妄想自空然後拈花示衆此一拈花豈非四十九年說的又豈非衆生積劫迷的以迷則不敢拈非

佛不能作捷徑法卽與衆生拈出使最初了此一大事也可見拈花大非容易直令衆生離此四病了無執著。譬如洗面摸著鼻孔永無疑根親自薦取耳。今於善知識一棒喝一機鋒能如是承當否復以師範言之達磨西來不立文字正爲此方名言習氣沸盛別投一劑無意路還元丹也。見武帝不契便斬釘截鐵不費廉纖去少林面壁九年正達磨苦心苦膽爲成此別傳一法決不易再發一言以投彼好傳至曹溪然後南嶽青原分衍盛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

行仍恐向上一著又墮言說所以五家各立門戶
借賓主君臣三玄三要以探虛實觀古人於此事
真如劍刃上行。逗到今日而五家熟攬。聖相似語
以作真悟。顧視達磨未來已前則今日之宗乘又
爲昔日之教法。安得再有一達磨藥病俱掃掃亦
不留面少林九年壁乎。卽不爾亦當如趙州黃檗
之大用。趙州以言說自在隨機與奪故云天下人
無奈趙州舌頭何。黃檗以棒喝縱橫不存軌則故
有云百丈得大機黃檗得大用其餘知識又不勝

數要之皆以新法勝人也此新法正是無師智自
然智諸佛不能傳諸語所不載如大將軍臨敵一
切韜略俱捨以敵手亦熟明此法故斬將搴旗者
必在心手巧施出其常伎雖然亦離此韜略一字
不得以韜略正載此活法人自死耳則知得者死
語拈來皆活不得者活句拈來皆死以此推之無
法無新新在自得語不出人意表何以解人無始
粘縛乎又何以轉凡作聖點鐵成金乎倘不用格
外鉗鍵則衆生俱成躍冶之金矣能令斷臂酬法

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

如二祖否。今承大護法宰官知有此事。兼復具此擇法眼。得得請大和尚出山。決知如達磨之斬截。又決知如趙州黃檗之大用。使乘言滯句者喪魄。此宗頽而復振。不然糠粃者多。真實者少。佛祖法脈。其誰以歸。疑之十一以此。信之十九當在未開口。以先和尚亦當自信。不待饒舌也。大機大用。有分。另一求教。不揣庸劣。敢致疑問。臨書惶悚。從上佛祖。本無實法與人。拈花微笑。乃至達磨初來。雖云傳佛心印。豈離衆生心外。更有佛心可傳。不過。

爲人解粘去縛。令達妄想無性耳。達得妄想無性。則二種生住滅。當下寂然。若欲向生住滅處截斷。正恐一番剗刷。倍增一番執著。且達磨大師單傳之旨。正如畫龍點睛。令其飛去。非離文字說於解脫。則昔日之教法。本未嘗掃。今日之宗乘。又何用新。謂一切知識。皆以新法勝人。幸莫謗知識也。且既知離却舊法。別無新法。豈不知欲作新法。便成舊法。死語活句。亦復如是。當今學者。濁智流轉。偷心熾然。不思追踪往事。但欲奪采時流。爲善知識。正應據先聖之典型。杜

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

其僭竊不惟一棒喝一機鋒已成惡套。卽令更有藥病俱掃掃亦不留之達磨來。恐不留復成窠臼。如波逐波有何了期。莫若向源頭處討箇脈路。則循規蹈矩不施一巧而可坐致太平。幸高明者充爲法之溪心堅荷擔之骨力。薦取本分草料。莫更求格外鉗錠也。

一指續與忘所往來諸東

尚友錄曾賜斧政否。偶因小冗弗及趨領玄誨。幸付松韻兄來。前擬答書倘有過謬乞垂指撥。庶互得大

益也

尚友錄文字佳。但說道理太多。遵命卽大膽批點。恐雄氣於此稍抑罪罪。前答書本擬再于微塵齋對出大千經卷。但連根帶葉不便。或有教處別開一面戰場。何如。呵呵

尚友錄蒙賜斧政。方見法門真愛。感德深矣。每念末法鬪諍堅固。將切磋之誼。皆作戰事理會。遂令大千經卷蔽于一塵。何啻棄本逐末耶。幸勿分根分葉。但須究竟了此一段公案。決知受益不淺耳。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

無諍法作有諍機鋒法門大不幸吾兄旣念及此可謂末世之柱石尚友錄不揣自分已露爪牙今更欲全見敗露耶倘截然于頭頭作公案則不佞必不敢諱一詞也此復

前日之書尚未賜答耶聞諸印生述尊意云妄想無性但是教乘非關宗意四十九年所說可云本無實法末後拈花乃最實義安得無實適聆斯語且驚且喜果有此獨得之見胡得秘吝不說負弟請益深心特托松韻兄來懇求玄誨伏惟撥冗裁答

無實法與人佳語也但言一向所說俱是應根與藥非言拈花亦不實也又云但與人解粘去縛令知妄想無性此妄想無性正明所以無實法與人之意不可云拈花亦明妄想無性也卽此而推真妄元一能于妄處了得無性則不惟拈花是究竟事卽吾人日用皆與本分不相違越倘不作如是觀縱于祖師開言說一領無遺吾恐金未出鑛能作金用耶若于金鑛俱掃實與不實俱拈不作敎會又不作禪會請吾兄直下轉此一語其餘絡索

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

不必更絡索。此再復

從上佛祖既無實法與人拈花微笑豈出佛祖之外耶妄想無性是破二種生住滅語若向此中區分則又作實法會矣真妄元一了妄無性便與拈花微笑不相違背金鑽俱掃實與不實俱拈敢保老兄口掛壁上來示云俱百雜碎雖然如是不得一向須還我絡索清頭方爲究竟如何如何

無實法與人正佛祖欲與以實法也但與不得故直至四十九年後然後拈花此拈花斷不可又作

方便會也所云百雜碎者正爲忘此一線索耳得此線則事事如貫花不得更自疑而疑人也知吾兄此意極分明不得更於分明而惑亂一上也葛藤無盡期請以此光明矚破

無實法與人正佛祖欲與以實法此語甚妙於此實法未能徹底安得不受惑亂忘此線索便如貫花何必截此葛藤方稱了義真妄同源了妄無性便是出鑽之金二俱坐斷更不復疑便是西來的意弟已承當得及不知師兄肯下冬瓜印子否知兄愛我終切

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

不同常流。故復絮絮幸勿罪其叨咀。

擬答白居易問在林間錄

如來出世本懷惟爲一乘。衆生根性不等。方便說三。雖復說三究竟歸一。恐衆生不信。沒在苦。故須鑒彼當機。恐以三乘作實法會。故云無有高下。然則衆生種種病。只是一病。以不識佛性故。如來種種藥。元來一藥。究竟爲一乘。故雖只一病。而受病既久。未免變症。多端傳經不定。故醫王用藥。亦須補瀉。隨宜增減。得所。然則病愈藥除。乃是如來本意。藥應病與。乃是

方便智門。惟達如來設教。元由自得。末世利人妙用。爲下種者。強毒以大亦可。爲熟脫者。善巧說三亦可。若權實之致不明。悉檀之義未委。豈惟順機說三。爲妄分別。卽所謂一味道者。亦是瞞駢罷侗。故知六種經中所有二義。恰恰相成也。若五蘊十二因緣者。蘊以積聚。覆蓋爲義。分名爲四對。色成五。只須名色。一。支便具。何得對十二因緣。倫次而成難耶。十二因緣乃約三世因果輪迴。以能生果爲因。展轉相藉爲緣。是故蘊惟苦。諦緣兼苦集蘊法。約橫四緣。約豎始從。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

無明終至老死。一文中皆具五蘊。不依五蘊何得無明。不依五蘊安有諸行。生時卽是五蘊虛妄和合。老時卽是五蘊虛妄變異。死時卽是五蘊虛妄散壞耳。

論

參究念佛論

原夫本覺妙明。真如法界智理無能所之分。依正絕自他之量。祇因迷妄。偏計橫生。背覺性而九界雜陳。昧真境而三土幻現。勞我世尊垂慈設教。隨衆生之

根性示無量之法門。或顯了而說。或隱覆而談。或曲接偏機。漸令入道。或直投圓種。頓使開明。或從一法中分別說爲無量。或以異方便。善巧助顯一乘。雖復教綱萬殊。無非欲醒九界之長夢。令其復還元覺。了三土之幻翳。令其冥契寂光耳。然求其了義中之最了義。圓頓中之極圓頓。方便中之第一方便。則無如淨土一門。何以言之。隨其心淨。則佛土淨。是以見思淨。則超同居塵沙淨。則超方便無明淨。則超實報故。曰。惟佛一人居淨土。尚何不了之義。衆生心念佛時。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

是心作佛是心是佛以一念頓入佛海故曰一稱南無佛皆已成佛道又曰若人專念彌陀佛是名無上深妙禪豈不至圓至頓果德願力不可思議因心信力亦不可思議感應道交文成印壞以凡夫而階不退未斷惑而得橫超又復三根普被四土橫該五濁輕淨在同居體空巧淨在方便三觀圓淨在實報究竟覺淨在寂光斯則尚無等者矧或過之是以名爲不可思議功德世間難信之法也然總其大要須具信願行三信則信事信理信自信他信因信果知心

外無土土外無心性外無佛佛外無性因必該果果必徹因願則念念回向心心趣往行則無量法門會歸一致而淨土正行尤以念佛爲首顧念佛一行乃有多途小經重在持名楞嚴但令憶念觀經主於觀境大集觀佛實相後世智徹禪師復開叅究一路雲棲大師極力主張淨土而亦不廢其說但法門雖異同以淨土爲歸獨叅究之說既與禪宗相濫不無淆訛可商嘗試論之心佛衆生三無差別果能諦信直下知歸未了之人不妨疑著故誰字公案曲被時機

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

旣有大利亦有大害。言大利者。以念佛時或復疲緩。令彼渙追力究助發良多。又未明念性本空能所不二。藉此爲敲門瓦子。皆有渙益要必以淨土爲主。參究助之。無論徹與未徹。俱不障往生也。言大害者。旣涉參究。或便單恃已靈。不求佛力。但欲現世發明。不復願往。甚則廢置萬行。棄捨經典。古人本意原欲攝禪歸淨。開此權機。今人錯會。多至捨淨從禪。翻成破法。斯乃全乖淨業正因。妄冀往生彼國也。問曰。若以淨土爲主。則參究之功可當念佛否。答曰。參究與念佛皆屬行攝。切則參究亦往生。不切則念佛亦不生。又雖有切行。若信願爲前導。則往生無信願爲前導。則不生也。問曰。若徹悟人還須往生否。答曰。普賢王導歸極樂初地至十地。皆云不離念佛焰山發願。則云承事十方諸佛。無有疲勞。百丈清規。課誦送亡等事。無不指歸淨土。故天如云。若果悟道。則淨土之生。萬牛莫挽。雲棲云悟後。不願往生。敢保老兄未悟。在是知凡言不必生淨土者。皆是增上慢人。非真入菩薩位者也。問曰。念佛兼參究可爲助行。參禪兼願。

淨土爲主。則參究之功可當念佛否。答曰。參究與念佛

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

往得非偷心歟答曰無禪之淨土非真淨土無淨土之禪非真禪然淨土之禪不必定須參究但一心不亂即是靜名號歷然即是慮若夫禪之淨土必須證極淨心非可以理奪事從上諸祖凡情已盡聖解未忘不妨隨機掃執後世學人雖有乾慧染習未枯自非發願往生依舊隨業輪轉所以永明作四料簡乃至楚石十念不缺等正所謂有禪有淨豈偷心也問曰參究念佛與止觀法門爲同爲異答曰理則互融門實有異止觀以信入參究以疑入止觀雖三根普

被而上根方真得明了參究雖亦被三根而上根始獲大總持且如下根之人或念佛或參究雖未達止觀深理然理無不具以置心一處即是止用心參念即是觀故中根之人或借解而起念行或塞解而發參情雖隨機致用不同亦皆不失止觀大義惟上根之士直下相應境智一如觀諦不二斯時念與不念皆得而究竟更無可參何以故言前薦得屈我宗風句下分明沉埋佛祖故知參究念佛之說是權非實是助非正是不可廢尤不可執廢則缺萬行中之一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

濟生空花集 卷四

四十一

行執則以一行而發萬行故也。高明學道之士試熟計而力行之。

慈悲緣苦衆生論

有佛性之理不明。同體之誼斯晦。但知好善而惡惡。固知與樂而拔苦。異類傍生。固已藐若草芥。罔圖罪苦。亦復視作當然。誰知蠢蠢舍生知覺無別。貿貿惡黨人類是齊。迷性靈而造業招愆。已爲可憫。因夙障而無端罹網。尤屬堪哀。乃有目睹悽惶。耳聆哀叫。不惟漠不關懷。方且快稱應酬。嗚呼。悲名拔苦。捨此輩。

以何緣。慈名與樂向善趣而奚益。所以戒本經云。菩薩於惡人所起慈悲心。淡於善人。良有以也。未探斯旨。藉口懲非。自恃暫居福報。邪慢盈懷。慶他劇受苦輪羅。剎無異。豈有稍悟常住慈心。而無同體切膚之痛者耶。或曰。慈悲與拔乃果上之功能。慚愧勸懲實因中之妙行。故尊崇賢善名之爲慚。輕拒暴惡名之爲愧。漸愧自嚴。方能斷惡修善。慈悲利物。乃是接世度生。何得初心藉口大聖答曰。子誤矣。夫慈悲慚愧。同稱善心。因中皆可同修。果上方能同滿。若如子論。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

則菩薩不修四無量心佛果不名具足慚愧失既匪
細罪乃瀰天詎知慈悲慚愧恰恰相成有慚愧者方
有慈悲無慈悲者卽無慚愧蓋由了達心佛衆生三
無差別觀佛卽心是生慚愧觀生卽佛是起慈悲尊
崇本有賢善之性隨願與一切衆生性德之樂輕拒
迷真暴惡之習隨願拔一切衆生性德之苦是以有
一分慚愧方有一分慈悲有十分慈悲方爲十分慚
愧汝今見此同稟血氣同抱靈覺之流背自真心枉
受困苦不思拯拔反起傲心不惟無慈悲正屬無慚

愧耳倘悟明心性確知生佛體同見此未來諸佛枉
墮三塗八難便當惕目傷心胼手胝足如饑食渴飲
欲罷不能何忍視作泛常反以救援爲迂務耶只恐
前生之善報有限他世之苦果無窮旣永隔于圓悲
諸佛亦難授手今日所以笑傲苦倫者他日復爲苦
倫所笑傲也悲夫

非時食戒十大益論
客間杜多子曰吾聞殺盜淫妄名爲性罪飲酒昏迷
失智慧種食衆生肉斷大慈悲是以如來制戒七種

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

同遵固無惑焉。至于飲食養身。有何過咎。而非時食戒。如此之嚴。豈以忍餓爲修行耶。願聞其旨。杜多子曰。善哉問也。吾正欲申齋法之要。以軌修行之人。夫此齋法。蓋是十方三世諸佛弟子通行之大道。出生死法之要津也。愚夫逐逐于口腹之欲。甘爲飲食之人。旣畏此律檢。豈辨其利益。今原如來立制本意。盡善盡美。何能殫述。略而舉之。大益有十一者。斷生死緣。二者表中道義。三者調身少病。四者道業尊崇。五者堅固戒品。六者堪能修定。七者出生智慧。八者離

鬼畜業。九者不憚檀信。十者不擾行人。云何斷生死緣。經云。一切衆生皆因姪欲而正性命。又云。三界衆生皆依飲食而得存活。所謂段食觸食思食識食。由此觀之。姪欲固生死。正因飲食乃生死第一增上緣也。均爲五欲所攝。特以資此毒身。借之修道。是故不能全斷。然設得時食。尚須作曠野食子肉想。何容恣意於非時耶。云何表中道義。台宗云。午前進食。表方便道。猶似有法可得。遇中不食。卽表除中道外。更無所需。此雖理觀。不壞事境。倘粗戒尚不自持。則妙理。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

清淨堂集 卷四
五
何由契會。云何調身少病。脾以信爲主。數數食最能傷脾。故玄門家亦戒晚食。正養生善術。豈名忍餓。云何道業尊崇。趙州云。四十年不雜用心。除二時粥飯。是雜用心處。二時粥飯。尚云是雜用心。况三食四食耶。儒者曰。飲食之人。則人賤之。今恪守齋法。專精辦道。道業自隆。云何堅固戒品。晚食助火。助氣增長姪心。今寂爾清淨。戒體堅牢。云何堪能修定。斷其雜食亂想。身心輕利。取定不難。云何出生智慧。晚食每助昏蓋。今清淨惺寂。不障觀慧。又于四種食。如法作厭。

離想。卽能斷三界惑。云何離鬼畜業。畜生午後食。鬼夜食。不持齋法。鬼畜無異。亦能牽入鬼畜類中。持此齋法。自然遠離二趣生緣。云何不惱檀信。謂長乞食者。設午後更復持鉢。則終日但見沙門往還。必令施主生惱。今午後惟晏坐修道。能令僧俗皆安。云何不擾行人。謂今時叢林。因晚食故。厨下行人。惟事炊爨。無由辨道。終身碌碌。不異傭人。齋法若明。則無此煩擾。堪修道業。是以諸佛出世。必立此制。乃至在家居士。猶令於月六齋日。受持八關齋法。以種永出因緣。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

况沙彌比丘而可無慚無愧。非時受食耶。設有病苦因緣佛自立。非時漿。七日藥。終身藥以濟之。斷無以晚食爲藥石之理也。願高明者。深信而力行之。

傳

瑞光了一源禪師傳

了一禪師。長洲縣周氏子。少以俠烈聞千里族。年二十三。忽思出世。禮瑞光寺藍園遠公爲師。命名曰定源。因閱語錄見古人踏著稱錘硬似鐵語。心甚疑之。苦參力究。晝夜無間。未幾有省。又見鄧隱峰公案。因疑如何是鬼神搜不破之機。留心多載。更有悟入時。值雲門湛然禪師遊吳。師呈所見湛師印可。是後惟誦圓覺經。以爲夜課。晝則閱大般若。至於應事接物。依然如故。略不表異也。萬曆丙辰臘月十六日。謂竺璠淨公等曰。吾將長逝。因取曆選廿六日。且曰。人只一死。不足爲奇。吾當先作死法與汝等隨喜。乃結跏趺坐。從足至頂。漸皆如冰。約至一時。復甦。又曰。人之怕死。亦無別况。但如溫水中浴。暖被中睡。只是懶得起耳。至廿六日。向合寺衆。各有付囑。命以缸合砌。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

三載後開視之。又謂其學人無雲曰。吾平日教汝法華。且道紙是法華耶。字是法華耶。誦是法華耶。會則無邊寶藏。一時領去。不會則更讀三十年。仍喝一喝云。且道此一喝與全部法華是同是別。又喝一喝大笑跌坐而逝。衆奉其全身塔于本寺土山之上。師世壽四十有六。僧臘二十四。以依西安樂行不畜徒衆。故衣鉢無嫡傳。今淨公配入祖祠。春秋享祀云。贊曰。宗門中事妙在潛修。默證。脗合教乘。世有稍解一機一境。便滿盤賣弄。蔑視經典者。適足培生死根。

苗耳。如源公之去來自在。豈僅蒲團參悟之力。良由般若圓覺以印心。和光同塵以應世。故雖無出世機緣。而未後光明已自照天照地也。增上慢人聞師之風。亦可以稍愧矣。

西指抱一粹沙彌傳。重慶府巴東縣人。十賜沙彌抱一湖興孝豐嚴氏子。法名大粹。本習儒弱。冠入泮以文名諸生間。因所愛子忽亾悟世無常。遂事長生之術。靜攝有年。自謂得計。後參蓮池大師。邪執始轉。乃禮峴山祖石老人爲師。畢志歸戒。築茅於大

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

院之麓號西指菴掩關謝客。日惟繙經習坐爲業。飯
糗茹草率以爲常。久給侍人曾莫窺其喜怒之色。每
謂人曰。待年七十。乃當圓頂。歲庚午。雪航欽公就其
菴結冬。激以速現僧相。欣然允之。時有執平昔之言
而阻者。則應曰。予今耳已重聽。安能保至七十耶。辛
未春。偕雪公入杭。剃除鬚髮。遙禮李賢師爲和尚。予
爲授十戒法。以年逾六旬。遵佛制不進具。又發大心。
從予受菩薩戒。次復禮舍利于鄧峰。行分衛于古越。
歸應靈峰百福院。請與雪公同創淨業。於時清規初

立。輿情未調。雪公日加督訓。而公以靜默鎮之。不半
年。道風一振。秋八月。暫回西指。微疾數日。沐浴更衣。
毅然坐逝。菴中諸友遵遺命。荼毘之。骨皆五色。親族
見者咸增長信心。由是身沒而聲名乃播。嗚呼。古人
所謂以身教者。公之謂乎。公生于蔑戾車地。而卓然
有以自拔。敦信義。崇名節。喜與十方英衲商究佛法。
從此一邑九鄉。重公品誼者。因而敬信三寶。乃至翕
然歸於正化。皆公密默開化力也。公世壽六十一。出
家半載。以不受具故。無僧臘。以不畜徒衆。故衣鉢無

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

傳。卷中諸友塔其骨于山之西。

武林萬安雲禪師傳

吉祥寺萬安禪師諱大雲。古杭仁和郭氏子也。厥弟遺世弟婦吳氏完節苦修。師從此感發企慕樂邦。出家臯亭之永慶寺。尋受具於雲棲。寄居北郊靜室。篤志淨業。相依者日衆。湛然源靜。王欽其素履。捨菴及地以爲十方院師。按此地古有吉祥寺。乃率諸善友力復舊觀。不數年佛宇僧寮。燦然畢備。共住規約。一秉雲棲之制。往來禪侶接待殷勤。然不營田產。不置

柴山。百一所需悉任外緣。弗涉邪命。可謂痛革時弊。力追古風者也。叢席稍成。爰示微疾。卽絕飲食。減語言。專修正念。凡閱一月。厥婦并女曹省視之。訶曰。彌陀不念。念我何爲。至臨終日。語上足智經曰。爲我掃灑。有佛來迎矣。仍命扶身趺坐念佛而逝。師世壽五十九。僧臘十有一夏。婦名大法。弟婦名大海。男名智首。女名智音。甥女名智真。並出家修道云。

吳興智福優婆夷傳

優婆夷智福。姑蘇盧氏子。秉性淳厚。志趣雅淡。年十

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

九適新都程季清居士。居士篤信佛法。流寓吳興。力營福業。盧克盡內政以助之。衲子往來者。日常數十指。供贍飲食。曾弗倦怠。恒好惠施。絕無私積。心言皆直。謹身節用。不喜御珍飾綺服。不恚詈給侍人。茹素持珠。日課佛名二三萬。視世間法味如嚼蠟。歲壬申年三十九。嬰篤疾。知弗能起。急請古德法師受歸戒。諮詢淨土法要。乃一意西馳。雖遇痛苦。惟勤稱佛號。居士爲讀華嚴大經。至徧叅知識處。一一解說。亦一領會。居士復策之曰。百劫千生在此一時。努力直

往。勿猶豫也。於是領旨。勵聲呼佛者半日。見二高僧次第而來。乃轉加精誠。徹夜猛念。厥母欲泣。厥女相慰。俱遣之遠去。云無亂我心。次日辰時。親見化佛蓮華。遂覺神情恬適。自色鮮明。乃急索香水沐浴。西向叉手。連聲念佛。吉祥而逝。則十一月初八日之正午時也。至日暮。徧身皆冷。頭門猶熱。居士以爲尚欠光華。異香之瑞未審安歸。予曰。臨終十念決定往生。從古潛修默證者。數如恒沙。往生一傳。但擇其尤者言之。豈可謂淨土妙門。僅度若而人也。况諦玩觀經三

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

品往生皆不以衆人同見爲契。奈何自墮疑網。失橫超直捷之勝吉耶。爰爲之傳。并合掌而說偈曰。
哀哉三界以愛爲根。根株不拔。奚望西生蓮華國土。
永離情塵。此緣能斷。彼質斯成。勇矣智福。女中之英。
快逢勝友。皆由夙因。一日一夜淨念功殷。華臺接引。
眼識分明白母恩愛枯木寒冰。吉祥善逝長辭苦輪。
我悲含識纏使所嬰。戀此幻世曠劫迷真。謬圖出要。
罔知勝津。計取空果。違妙淨因。誰能正信。闡步高登。
我今隨喜願共羣靈頓除疑網。證入玄門。

新都汪二隨居士傳

震旦之學佛者必藉孔孟爲前茅。而昭代稱名儒者必從內典得究竟。蓋儒開道學之門。釋盡性理之奧。於此二途善能隨入。可以息鬪諍而談解脫矣。新都汪先生真其人哉。先生諱士會。別號二隨。休寧名族也。入泮於杭。以文名諸生。間孝事二親。誨人不倦。常對鏡澄心徹夜端坐。然襟期灑落。山水陶神。殊不涉迂腐氣像。始因調身從事玄門之術。後知非出要。遂棄之而修淨土。歸依蓮池大師。命名廣君。從此惟以

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

讀誦大乘爲業。貧而能施。尤喜放生。視世間事。等如夢幻。每歎曰。身以上事。要推推不去。身以下事。要管管不了。於是隱山自淑。居天目者數年。後移杭之報先寺。旣娶脾疾。猶課華嚴經不輟。忽一日謂門人云。吾兩手脉已去。所以尚未死者。平日放生之力。目前無怨對故也。越二日。清晨起坐。端然而逝。生年五十六。先生設教半生。及門之士甚衆。而古道自愛落落寡合。契友惟金正叔一人。名自麗弟子惟程季清一人。名文濟。季清于淨社中修行。衆福門爲最。流通

法藏。救護生靈。遑遑焉惟日不足。雖其種性使然。而熏習之力。尤不可誣也。嘗慨儒釋分衡。互生同異。各立門庭。者固違大聖之心。強爲和會者。亦失權實之致。安得如先生者。與之談二而不二。不二而二之微旨哉。予叩季清入道初緣。季清推崇功於先生。因述生平盛德如此。予曰。是不可不傳也。乃僕筆而書之。

松陵鑒空寧禪師傳

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

是力爲巫醫而不足。故子夏云。雖小道必有可觀者焉。嗚呼。大才而小用者。吾往往見之矣。未聞無才而致用者也。鑒空禪師。其真大才小用者耶。師貌古而骨勁。志超夷等。言無輕諾。其自律也端方。其疾惡也太嚴。細覈其心迹。當于古人中求之。區區興方尖守接待。未足爲師多口。而世之皮相者。惟以此二事羨師。則予亦不得不藉此以表之。師諱如寧。號鑒空。松陵沈氏子。年十二出家。寺方尖觀音禪院禮懷林茂公爲師禪院係。萬峰禪師下菴創始于有元至正中。

典于我明天順。其載碑文。神廟初年僧侶凋盡僅存大殿及觀音殿。頽圯不堪。香火俱絕。歲壬午。茂公始駐錫焉。居民互來侵擾。公一手一足。方爲擣持。僅十載而棄世。時師年止十七。形影自弔。苦守不去。值對峰弘禪師相弔。見師年少而志堅。力扶之。有長者敬菴陸公。與弘師交善。捐資修葺。申文定公遊其地。手爲題額。師從此得安處。無恙。惟誅茅力耕以自饋。絕無夤緣。每歎曰。吾本志在佛法。不意爲茲地埋沒半生。俟稍有後人可托。決當矢志清修。早則四十歲爲

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

期極遲不過五十耳。天啓乙丑予偶同二三法侶結夏菴中商究楞嚴要義師正年五十旣聞出世法門猛省昔時願力遂以菴事付寶所實上足丙寅四月八日從茂林律主受戒偕予結夏承天討究律學予以先慈捐世志隱深山師招予掩關菴中自身護持時佛像及羅漢諸天復漸凋落師捐囊鉢餘貲自修葺之像貌堂宇煥然改觀戊辰春同予遊普陀育王等處歸憇城北聖壽寺之藏經殿中檢閱律藏嚴淨毘尼舌不味過午之餚手不釋圓明之珠送想西方。

不復知有人世間事方將謂初志得遂矣不意南關接待寺念雲西逝叢席乏人衆檀護旣延廓菴直院復徵師理庫事師固辭不允勉強從之越一載廓菴以徑山擔子未脫勢難兩兼衆檀護遂議廓菴仍主徑山講師主茲叢席師再三力辭檀護亦再四堅勸事不獲已乃放下身心全體擔荷整廢墜之緒肅清淨之規作事必任先勞享用一味平等叢方禪學別開信宿之單雲水聖賢不睹咄嗟之色按律制無盡藏之僧物常住之田畝日增搜從來徵租稅之積弊

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

公私之虛耗悉杜。既經四載。慨大殿日就傾頽。發心料理。半取給於檀那。半自傾其囊鉢。不數月而煥然一新。見聞隨喜者咸合掌歎曰。寧師真大有功於佛僧哉。明歲爲慶六旬。當祝其永主斯堂。普庇緇素也。詎謂此方願滿淨土。華榮遂示微疾。絕湯藥。檢點常住事纖悉分明。與衆永訣。時有上首墮淚。則正色訶曰。老老大大。豈可作此兒女態耶。生必有滅。世相如是。吾靜修之志未滿。送吾骨歸普同。俾得入六和僧海。於願足矣。上首固請曰。師志雖爾。但方尖一毀重

興公案必賴師以永鎮。惟慈悲曲順我等。亦可以表師堅固願力也。師乃默然許之。次日寂然無聲。吉祥而逝。衆如法殯殮。檢其囊鉢。不留分文。益歎師之解脫。師示生于萬曆丙子。示寂于崇禎甲戌。世壽五十有九。僧臘九夏。師旣往而芳名益著。議者咸謂師于接待堪稱第一功臣。而于方尖實爲中興烈祖。予謂師非方尖。必當爲法門龍象。乃方尖非師。必當爲弘化倡業場。接待非師。無以固叢席根本。而師非接待。亦無以露大用端倪。師旣不遂其深入法門之志。故方

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

尖接待之績人雖嘖嘖稱之而自視則歛然也。自非大才小用何以能功成不滿哉。予與師交久知師心迹頗深爰述其始末以爲後世風云。

淨信堂初集卷四



弟子照瑞爲薦先嚴蘇學法名性覺先慈童氏先姐李門蘇氏法名照朗捐貲刻此答問論傳一卷伏願先嚴先慈先姐三障圓消

二嚴克備超登

樂土速證真常普與含生齊成佛道

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

